

通

志

二

三皇紀第一

通志一

太昊

炎帝

黃帝

臣謹按三皇伏羲但稱氏神農始稱帝堯舜始稱國
 自上古至夏商皆稱名至周始稱謚而稱氏者三皇
 以來未嘗廢也年代則稱紀自開闢至獲麟凡二百七十六萬歲分為十紀
 厥初生民穴居野處聖人教之結巢以避蟲豸之害
 而食草木之實故號有巢氏亦曰大巢氏亦謂之始
 居言君臣之道於是乎始也有天下百餘代民知巢
 居未知熟食燧人氏出焉觀星辰而察五木知空有

萬曆十七年刊

通志三皇紀一

監生潘學祖 三百七十二切

火麗木則明故鑽木取火教民以烹飪之利號燧人
 氏以夫燧者火之所生也時無文字未有甲歷紀年
 始作結繩之政而立傳教之臺始為日中之市而與
 交易之道亦謂之遂皇或言遂皇持斗機運轉之法
 以施政教此亦欽若昊天以授民時之義也三皇者
 天皇地皇人皇是也其說不一無所取證當取伏羲
 為天皇神農為人皇黃帝為地皇之說為正其說出三皇太古書然太昊以明天事故曰太昊炎帝以明民事故曰神農黃帝以明地事故曰黃帝此理甚明
 義作連山神農作歸藏黃帝作坤乾易之始自伏羲

三易之本自三皇夏人因連山而作連山商人因歸藏而作歸藏周人因坤乾而作周易八卦具而六十四卦成世言伏羲畫卦文王重之皆沿襲之言也傳曰法始乎伏羲言圖象書契於此乎始三皇五帝三王之事蓋已久矣臣之所志在於傳信其有傳疑者則降而書之以備記載云

太昊伏羲氏亦曰庖犧氏亦曰皇雄氏亦曰天皇伏亦作虞犧亦作戲亦作羲或言象日月之明故曰太昊伏制犧牛故曰伏犧因取犧牲以充庖厨故號庖犧然去

萬曆十七年

通志三皇紀一

監生潘季祖

古已遠古人名號難以今義求也伏犧者燧人氏之子女曰華胥復大人之迹於雷澤而孕因風而生故爲風姓伏羲生於成紀作都于陳故陳爲太昊之墟樂曰立基或云扶來繼天而王爲百王先人生之始也與禽獸無異知有母而不知有父知有愛而不知有禮卧則呿呿起則盱盱飢則求食飽則棄餘茹毛飲血而衣皮革伏羲德合上下天應以鳥獸文章地應以河圖洛書仰則觀象於天俯則觀法於地中則觀萬物之宜始作書契以代結繩之治始畫八卦卦有三爻重而爲六十四

名曰連山象法乾坤以正君臣父子夫婦之義始作罔
罟以佃以漁以贍民用制嫁娶以儷皮為禮作二十五
絃之瑟服牛乘馬冶金成器本陽氣之始而為律法本
五材之用而定五行因龍馬負圖而出于河之瑞故官
以龍紀而為龍師乃命子襄為飛龍氏造六書一曰象
形二曰指事三曰會意四曰轉注五曰諧聲六曰假借
使天下義理必歸文字天下文字必由六書命子英為
潛龍氏造甲歷起於甲寅日月歲時自此而生又命五
官春官為青龍夏官為赤龍秋官為白龍冬官為黑龍
中官為黃龍乃升傳教之臺而以甲歷示民命栗陸為
水龍氏繁滋草木疏導泉源毋怠於時命混沌為降龍
氏驅除民害民安則安民危則危毋怠於民命大庭氏
主屋廬為民居處命陰康氏主水土為民田里於是共
工為上相栢皇為下相朱襄昊英常居左右朱襄即子
襄昊英即子英也栗陸居北赫胥居南昆連居西葛天
居東陰康居下分九州之牧而天下化洽存位百十六
年左氏曰任宿須句顓臾風姓也實司太昊與有濟之
祀四國伏羲之後歷夏商至周不泯所謂盛德必百世

祀者

臣謹按言伏羲氏者爲以木德王天下帝出乎震之義伏羲氏沒文媧氏作是爲女皇春秋世譜云華胥生男子爲伏羲女子爲文媧故世言文媧伏羲之妹風姓人首蛇身乘伏羲制度作笙簧張雲幕枚占神明能變化萬物往古之時四極廢九州裂天不兼覆地不周載火熾炎而不滅水浩洋而不息猛獸食精民驚鳥攫老弱文媧鍊五色石以補蒼天斷鼈足以立四極殺黑龍以濟冀川積蘆灰以止滂水天不足

西北故日月移焉地不足東南故百川注焉蒼天神四極正滂水涸冀川平狡蟲死精民生文媧之後有大庭氏有栢皇氏有中央氏有栗陸氏有驪連氏有赫胥氏有尊盧氏有混沌氏有昊英氏有朱襄氏有葛天氏有陰康氏有無懷氏據文媧氏天子也自大庭之後十三氏皆臣於伏羲諸家以爲天子臣每疑此在伏羲時爲諸侯如夏商周在唐虞之世是也不然當伏羲之世分九牧而理天下各君一方以効其治後世之訛以爲相繼爲天子也或言朱襄之時

風而陽氣蓄積萬物解散果實不實士達作五絃瑟
以來陰氣以定群生葛天之時民俗熙熙其作樂也
三人摻牛尾投足以歌八闋一曰載民二曰玄鳥三
曰遂草木四曰奮五穀五曰謹天常六曰達帝功七
曰依地德八曰總萬物之極或言自伏羲至無懷千
二百六十年自女媧至無懷九十五君襲庖羲之號
千一百五十年或云自伏羲至無懷五萬七千七百
七百八十七年

臣又按太史公作五帝紀釋堯舜言而書臣今觀諸家之言而以雅馴者為經其不與之言則列於後以備記載非傳信也其誕而野如盤古者則亦不書

通志三皇紀第一

炎帝神農氏起於烈山亦曰烈山氏亦曰連山氏亦曰
伊耆氏亦曰大庭氏亦曰魁隗氏亦曰人皇少典之元
子其母曰女登有蟠氏之女也女登有神龍之感而生
神農焉長於姜水故為姜姓以火德王天下故為炎帝
民不粒食未知耕稼於是因天時相地宜始作耒耜教
民耕五穀故謂之神農民有疾病未知藥石乃味草木
之滋察寒溫之性而知君臣佐使之義皆口嘗而身試
之一日之間而遇七十毒或云神農嘗百草藥之時一日

百死百生其所得三百六十物以應周天之數後世承傳為書謂之神農本草又作方書以救時疾復演八卦而為六十四卦名之曰歸藏作都于陳後徙魯以火紀官春官為大火夏官為鷄火秋官為西火冬官為北火中官為中火樂曰下謀或曰扶持其俗樸重端慤不忿爭而財足無制令而民從威厲而不殺法省而不煩列歷於國日中為市始作五絃削桐為琴糾絲為絃以通天地之德以合神人之和郊特牲曰伊耆氏始作蜡明堂位曰土鼓蕢桴蕤箏伊耆氏之樂也夙沙氏為諸侯

大司馬九小三十一

通志三皇紀第一

六

別四九

不用命箕文諫而殺之神農退而修德夙沙之民自攻其君而來歸南交趾北幽都東暘谷西三危是其封域也在位百二十年或云百四十年

臣謹按炎帝之女溺死東海化為精衛每銜西山木石以填東海無雄偶海燕而生今東海畔有衛誓水以精衛溺於此川故誓不飲其水一名鳥誓一名寬禽一名志鳥俗呼帝女雀又按神農人身牛首納奔水氏之女曰聽諗生臨魁嗣神農曰帝臨魁在位八

十年或云六十年帝承嗣位六十年或云六十年一本帝明

嗣位四十九年帝直嗣位四十五年帝釐嗣位四十八年帝哀嗣位四十三年帝榆罔嗣位五十五年諸侯相侵帝不能正黃帝征之天下尊爲天子炎帝遂絕自神農至榆罔五百年自歸魁至榆罔凡七帝襲神農之號三百八十年

呂氏春秋曰神農有天下七世宋均曰女媧至神農七十姓至神農神農相承八代共五百二十年

黃帝軒轅氏亦曰地皇亦曰有熊氏亦曰帝鴻氏亦曰歸藏氏或言有土德之瑞故曰黃帝有軒冕之服故曰軒轅作都于有熊故曰有熊少典娶于有嶠氏孕二十

大三十四
小五十六

通志三皇紀一

四月而生帝于壽丘本姓公孫以長於姬水故改姓姬帝生而神靈弱而能言年逾十五聰明無不徇通神農氏世衰諸侯相侵暴帝乃習用干戈以征不享諸侯咸來賓從於是修德振兵治五氣執五種撫萬民度四方教熊羆貔貅羆虎與炎帝戰於阪泉之野三戰然後得志蚩尤爲亂獨伯天下莫與之爭衡帝乃徵師諸侯以中黃直爲將與戰於涿鹿之野遂禽蚩尤戮於中冀名其地曰絕轡之野或云榆罔之時有庶人曰蚩尤逐榆罔榆罔與軒轅殺蚩尤于中冀軒轅復與榆罔五戰于

阪泉爲軒轅所滅諸侯咸尊之代神農氏爲天子是爲
黃帝始制法度正名百物萬世不能易也爲營陣之法
設五旗五麾有不率化者從而征之九五十二戰而天
下服披山通道未嘗寧居東至于海登九山及岱宗西
至于空桐登雞頭南至于江登熊湘北逐葷粥合符釜
山而邑于涿鹿之阿遷徙往來無常處以師兵爲營衛
受命之日有景雲之瑞故宮以雲紀師以雲命春官爲
青雲夏官爲縉雲秋官爲白雲冬官爲黑雲中官爲黃
雲置左右大監監于萬國萬國和而鬼神山川封禪與
爲多焉獲寶鼎神策是歲己酉朔旦冬至得天之紀迎
日推策終而復始演八卦爲六十四卦名之曰坤乾帝
受河圖見日月星辰之象始有星官之書察五運六氣
乃著岐伯之問是爲內經或言內經後人所作而本於
黃帝舉風后力牧秦山稽常先大鴻以治民封鉅鬼史
區皆臣佐也或云黃帝得六相一而天地治神明至風后
明乎天道故爲太常察乎地利故爲稟者奢龍辨
乎東方故爲土師祝融辨乎南方故爲司徒大封辨乎
西方故爲司馬后土辨乎北方故爲理官又造書契調

鍾律紀歷數命蒼頡爲史官制文字太撓爲帝師作甲子容成造歷隸首作數伶倫制十二律自大夏之西阮隃之陰取竹於嶰谿之谷其竅厚鈞者斷兩節間而吹之長三寸九分以爲黃鍾之宮制十二筒聽鳳凰之鳴而別十二律其雄鳴六雌鳴亦六叶黃鍾之宮是生六律六呂候氣之應以正五聲實歷數權衡度量所由生也又命榮獲與伶倫鑄十二鍾以和五音仲春之月辰在乙卯日在奎始奏之命曰咸池亦曰大咸始制衣服作冕旒充纁玄衣黃裳折翬翟之華漬草木之英變爲

五色文章而著於器服以表貴賤服牛乘馬作舟車以通道上棟下宇作宮室以居安重門擊柝以待暴客作杵臼以利用作弧矢以振威旁行海內方制萬里畫野分州得百里之國萬區以分星次經土設井以塞爭端立步制畝以均不足使八家爲井井開四道而分八宅同井而飲存亡更守男女交姻有無相貸疾病相扶風俗可同生產可一性情可親井一爲鄰鄰三爲朋朋三爲里里五爲邑邑十爲都都十爲師師十爲州分於井而計於州則地著而數詳民不習僞官不懷私城郭不

閉見利不爭風雨時若五穀豐登人無夭枉物無疵厲
鷲鳥不妄搏猛獸不妄噬裔夷之人罔不來享有草生
于庭佞人入則指之名曰屈軼鳳皇巢于阿閣麒麟游
于苑囿帝二十五子為二十五宗其四母之子得姓者
十四人別為十二姓姬酉祁已滕箴任荀倍姁僂依二
人為姬二子為已帝娶西陵之女曰嫫祖亦曰文節生
二子其後皆有天下一曰玄囂是為青陽降居江水為
帝少昊二曰昌意降居若水為諸侯昌意娶蜀山女曰
昌僕亦曰女極生高陽為帝顓頊黃帝崩在橋山在位

大二百五
小三十五

通志卷三十一

十一

百年年百十歲

或云在位百十年年三百歲子孫相承
共一千五百二

郡
也

臣謹按晉語黃帝之子二十五宗其得姓者十四人
為十二姓姬酉祁已滕箴任荀倍姁僂依是也二人
為姬二人為已自神農至榆罔九七世襲炎帝之號
皆神農之裔也黃帝在位百年五帝三王皆黃帝之
裔也據晉語少典娶于有蟜氏生黃帝然炎帝至榆
罔更八世五百年何由有同父兄弟故知國語之言
不可盡信先儒本之今不遽易也臣又按方士之言

曰黃帝採首山之銅鑄鼎於荆山之下鼎歸成有龍垂胡髯下迎黃帝帝上騎群臣後宮從上者七十餘人龍乃升天餘小臣不得上悉持龍髯髯拔墮黃帝之弓百姓仰望乃抱其弓與胡髯而號故後世名其地曰鼎湖弓曰烏號又曰黃帝迎日推策後率二十歲復朔旦冬至凡二十推三百八十年黃帝仙登于天又按外紀黃帝與蚩尤戰於涿鹿之野蚩尤爲大霧軍士昏迷軒轅作指南車以示四方山海大荒北經曰蚩尤伐黃帝帝命應龍攻於冀州之野應龍蓄

水蚩尤請風伯雨師作大風雨黃帝下天女曰魃止雨河圖曰蚩尤兄弟八十一人並獸身人語食沙石作兵仗刀戟大弩威振天下誅殺無度天授軒轅神符伏蚩尤蚩尤沒後亂未定軒轅畫蚩尤象以威海內管仲曰葛盧山交而出水金從之出蚩尤受之以作劍戟任昉述異記蚩尤兄弟七十二人銅頭鐵額食沙石能作雲霧軒轅誅之於涿鹿今冀州也有蚩尤神俗云人身牛蹄四目六手冀州人掘地得髑髏如銅鐵者即蚩尤骨齒長二寸堅不可碎秦漢間說

蚩尤者耳鬚如劍戟頭有用與軒轅鬪以角抵人人不能向今冀州有樂名蚩尤戲其民三三兩兩頭戴牛角而相觝漢造角觝戲蓋其遺制也皇覽曰蚩尤冢在東平壽張闕鄉高七尺居民常以十月祀之有赤氣如匹絳而出鄉人呼爲蚩尤旗又按崔寔月令曰祖者道祭也黃帝之子好遠遊死爲道路神故後人出行有祖餞之事述異記蒼頡墓在北海俗呼爲藏書臺有碑文周時莫識遂藏之書府至秦時李斯識八字云上天作命皇辟迭王至漢叔孫通識十二

字又云南海中有軒轅丘鸞自歌鳳自舞古云天帝樂也

臣又按伏羲有河圖之應矣而黃帝復受河圖伏羲命子襄作六書矣而黃帝復命蒼頡制文字伏羲已造律歷矣而黃帝復有律歷之作伏羲作易矣而神農黃帝復作易學者不能無疑曰古帝王受命之符皆有其應所以伏羲黃帝各受河圖者也古者書契未一用字亦希故隨時而作務在應用所以周有史籀秦有李斯皆一時制字之人也乃若律歷之所更

易象之所作亦在適時所以三代之前律歷不同而
易亦異

右天皇自伏羲至無懷十五世千二百六十年人
皇自神農至榆罔八世五百年地皇黃帝一世百
年三皇凡二十四世共千八百六十年

三皇紀第一

通志一

五帝紀第二

通志二

帝少昊

帝顓頊

帝嚳

帝堯

帝舜

帝少昊青陽氏即玄囧也亦謂之摯或言名摯以金德王天下亦謂之金天氏邑于窮桑帝初為百姓之祖後改為嬴作都于曲阜樂曰九淵用度量制樂器有鳳鳥之瑞故以鳥紀官為鳥師而鳥名鳳鳥氏歷正也玄鳥氏司分者也伯趙氏司至者也青鳥氏司啓者也丹鳥氏司閉者也祝鳩氏司徒也鳴鳩氏司馬也鴈鳩氏司

六三〇今七
小廿五

通志五帝紀第二

空也爽鳩氏司寇也鶡鳩氏司事也五鳩鳩民者也五雉為五工正九扈為九農正官修其方而天下理帝有四子重該脩熙重為木正曰句芒該為金正曰蓐收脩熙相代為水正曰玄冥又有金天氏之裔子曰昧為玄冥師有共工氏之子為土正曰句龍有高陽氏之孫黎為高辛氏之火正曰祝融是為五官皆在高陽高辛之世少昊在位八十四年年百歲

或云在位百年命歷序曰少昊傳八世五百年

或云十世
四百年葬雲陽

臣謹按昊亦作皞以能修太昊之法故曰少昊或言

明象日月故曰少昊然昊者天之昭著也太昊少昊皆明於天事者諸家記載並存少昊惟司馬遷失紀謂黃帝崩高陽立且有君如少昊詎可不書况與高陽高辛堯舜之帝是為五

帝顓頊高陽氏黃帝之孫昌意之子生十歲而佐少昊十二而冠二十即帝位受學於綠圖靜淵以有謀䟽通而知事養材以任地載時以象天依鬼神以制義治氣以教化絜誠以祭祀樂曰五莖或云六莖作都于衛是為帝丘後徙高陽故稱高陽氏尚赤薦玉以赤繒少昊之衰

大三四五三

通志五帝紀第一

二

也九黎亂德民神雜糅不可方物家為巫史無有要質民匱于祀嘉生不降無物以享禍灾荐臻莫盡其氣顓帝受之乃命南正重司天以屬神北正黎司地以屬民使復舊常無相侵瀆作歷以孟春為元是時正月朔旦立春五星會于營室冰始泮蟄始出雞三號天曰作時地曰作昌人曰作樂鳥獸萬物皆以和應故顓帝聖人為歷宗也命飛龍氏作樂效八風之音名曰承雲以祭上帝北至于幽陵南至于交趾西至于流沙東至于蟠

木

東海有山名曰度

帶上

動靜之物小大之神日月所

照莫不砥礪有子四人曰竈蟬伯鯨皋陶老童顓帝崩

葬濮陽在位七十八年年九十八歲或云九十一歲命歷序曰顓帝傳九

世三百五十年或云八世五百四十八年

臣謹按高陽氏以水德王天下又按容成造歷雖起

於黃帝而三統歷始自伏羲然歷法以顓帝為宗主

古之時民淳俗熙為君者惟以奉天事神為務故其

治略於人而詳於天其行事見於方冊者載在歷家

及緯書為多唐虞之後以民事為急故其治詳於人

而略於天孔子不語怪力亂神故著書斷自唐虞又

通志五帝紀二

按顓帝之法婦人不避男子於路者荆之四達之衢

命鯨先為樂倡鯨乃偃浸以其尾鼓其腹其音英此

皆誕言也

帝譽高辛氏亦曰受黃帝之曾孫也黃帝生玄踰是為

少昊玄踰生嬌極嬌極不得位而生譽姬姓譽問道於

栢招年十五佐高陽三十登帝位以其居於高辛故曰

高辛氏樂曰六英或曰日祥都于亳尚黑薦玉以黑繒命

咸黑為聲歌九韶六列六英命倕作鞀鼓鍾磬吹簞管

壘篴鳳鳥天翟來舞以兗帝德命重黎為火正曰祝融

或言顓帝三稱稱生卷章卷章生重黎為嚳火正燁耀
敷大天明地德光照四海生柔嘉材故命曰祝融共工
氏作亂帝命重黎誅之而不盡帝以庚寅日誅重黎以
其弟吳回為重黎後復居火正為祝融遂平共工氏帝
生而神靈自言其名博愛利物不於其身聰以知遠明
以察微順天之義知民之急仁而威惠而信修身而天
下治取之財而節用之撫萬民而利誨之歷日月而
迎送之明鬼神而謹事之帝執中而徧天下日月所照
風雨所至莫不服從帝有六子陳鋒氏女曰慶都孕十

通志五帝紀二

四

四月生堯於丹陵姬訾氏女曰常儀生摯有郤氏女曰
姜原生棄有娥氏女曰簡狄生契又有閼伯封商丘主
辰實沈封大夏主參未知其母之為誰也嚳在位七十

五年年百五歲

或云六十三年年百歲又云九十八歲九十二歲

葬濮陽

命歷序曰

嚳傳十世四百年

摯嗣立荒淫無度諸侯廢之推堯為天子摯

在位九年非帝之限不當五運自黃帝至摯三百四十
一年少昊至摯四世二百四十一年

命歷序曰黃帝傳十世千五百二十

年或云十八代

臣謹按高辛氏以木德王天下又按共工氏在伏羲

之後專任知刑以水德居木火之間霸而不王亦以水紀官周語曰共工欲壅防百川墮高堙庠以害天下皇天弗福庶民弗佑是以滅亡賈逵曰共工諸侯也炎帝之後姜姓高陽氏其共工與高辛爭而王歸藏啓筮曰共工人面蛇身朱髮淮南子曰共工之力觸不周之山使地傾東南與高辛爭而帝遂潛于淵又曰舜時共工振滔洪水以薄空桑文子曰共工爲水害顓帝誅之荀卿曰禹伐共工據此所言皆不足信然共工氏當始於伏羲之後子孫承傳以至堯舜

之世皆謂之共工氏

大三五三
小五

通志五帝紀二

五

帝堯陶唐氏曰放勳嚳之子姓伊祁身長十尺年十五佐兄摯封唐侯二十一即帝位或言摯禪于堯高氏云摯崩而弟放勳立堯始封于唐

今中山唐邑

後遷于晉陽及

爲天子都平陽樂曰大章帝聰明文思允恭克讓其仁如天其知如神就之如日望之如雲富而不驕貴而不舒以尹壽爲師以許由爲友內則親睦九族外則辨章百姓協和萬邦黎民於變時雍黃收純衣彤車乘白馬尚白薦玉以白繒茅茨不翦土階三尺樸桷不斲素題

不斫大羹不和塗食不鑿大路無文越席不純飯土簋
飲土劔夏葛衣冬鹿裘棄金玉捐文綺不視異物不寶
玩噐衣履不盡敝不更爲禁淫僞輕徭賦不奪民時不
爭民利置諫鼓達窮民立謗木使人書之樂聞過也巡
狩告成周流五嶽存鰥寡賑荒札一民飢則曰我飢之
一民寒則曰我寒之一民罹辜則曰我陷之故民戴之
如日月愛之如父母不賞而勸不罰而治三苗復九黎
之亂堯克之于丹水之浦以服南蠻不忘重黎之舊使
其後復典之是爲羲氏和氏乃命以順天之道歷象日

月星辰分爲四序以授民時羲仲居嵎夷理東作以殷
春中羲叔居南交理南訛以正夏至和仲居昧谷理西
成以殷秋中和叔居朔方理朔易以正冬至四時之氣
旣正日星之躔無爽故人民之作息鳥獸之孳乳皆可
得而理乃正閏餘以成歲功下逮商周重黎氏世叙天
地而別其分主是時龍門未開呂梁未發河出孟門江
淮通流無有平原高阜故曰洪水滔天懷山襄陵堯憂
民之憂而求治水者群臣四嶽皆舉高陽氏之子伯鯨
堯封鯨爲崇伯使之治水鯨乃鯀徒役而作九仞之城

說無成功堯有子十人散宜氏之女曰文皇生丹朱應
嗣堯以年老欲巽位而丹朱嚚訟不可授乃以天下授
許由許由不受乃訪諸四嶽嶽曰有鰥民曰虞舜瞽瞍
之子父頑母嚚弟傲舜以孝道諧其家使不至於惡堯
曰我其試哉乃妻以二女封之有虞而爲諸侯歷試三
年知舜之德以爲授舜則天下得其利而丹朱病授丹
朱則天下病而丹朱得其利堯曰終不以天下之病而
利人卒授舜陶唐氏之世俗熙民泰有老人擊壤而
歌於路曰吾日出而作日入而息鑿井而飲耕田而食

帝力於我何有哉故仲尼稱之曰惟天爲大惟堯則之
蕩蕩乎民無能名焉巍巍乎其有成功堯生以甲申即
位以甲辰召舜以甲午召舜之年堯七十一矣舜以甲
寅攝政堯九十一矣以辛巳崩是避位二十八年任位
九十八年凡百十八歲葬于穀林實濟陰百姓悲哀如
喪父母三年四方莫舉樂舜畢三年之喪避丹朱於南
河之南諸侯朝覲者不之丹朱而之舜獄訟者不之丹
朱而之舜謳歌者不謳歌丹朱而謳歌舜舜曰天也而
後之中國踐天子位焉

臣謹按陶唐氏以火德王天下又按陶唐之世越裳國獻神龜蓋千歲方三尺餘背有科斗文記開闢以來堯命錄之謂之龜歷又堯之庭有草生焉曰蓂莢十五之前日生一葉十五之後日落一葉小餘則一葉厭而不落觀之可以知旬朔故又名歷草景星見甘露降醴泉溢朱草生神禾敷鳳巢阿閣龍見宮沼玉藕生沼中芻化為禾烏化為白宮中一日而十瑞又按淮南子堯時十日並出堯命羿仰射之中其九九烏皆死墮其羽翼或言十日並出焦禾稼殺草木而民無所食獫狁鑿齒九嬰大風封豨脩蛇皆為民害堯使羿誅鑿齒於疇華之野殺九嬰於凶水之上繳大風於青丘之澤上射十日下殺獫狁斷脩蛇於洞庭禽封豨於桑林於是山川險夷道里遠近可得而理也又按任昉述異記堯誅鯀於羽山化為黃熊入于羽淵今會稽人祭禹廟不用熊白黃熊即黃熊也陸居曰熊水居曰能昉按今江淮中獸名能能蛇之精冬化為雉春復為蛇今吳中不食雉毒故也臣謹按能乃來切所以古人借為耐字其音與熊自

是相遠惟文相近所以致訛實非熊也又按如淳曰
誹謗之木即橋梁交午柱頭也應邵曰誹謗木橋梁
邊版也所以書政治之愆至秦去之

帝舜有虞氏曰重華亦曰大舜亦曰都君顓頊生窮蟬
窮蟬生敬康敬康生句芒句芒生螭牛螭牛生瞽瞍瞽
瞍生舜自窮蟬至舜皆微爲庶人舜重瞳龍顏大口黑
色長六尺生於姚墟故姓以姚舜之母曰握登死而瞽
瞍以繼室生象瞽瞍惑於繼室而昵象象復陰相父母
有殺舜之心舜無所恨而事父母與弟不敢怠違年雖

五十猶作嬰兒慕親堯聞其賢聘之於草茅之中與之
語禮樂而知其道廣之不窮妻以二女以觀其內使九
男與處以觀其外舜遷于媯汭二女從之率舜之教不
敢以貴易其親戚盡婦道焉九男相與益篤舜冀州人
也耕于歷山歷山之人皆讓畔漁于雷澤雷澤之人皆
讓居陶於河濱河濱之器不苦窳作什器於壽丘就時
於負夏一年所居成聚二年成邑三年成都昔高陽氏
有才子八人天下謂之八愷高辛氏有才子八人天下
謂之八元此十六族者世濟其美人不墮其名堯不能舉

舜舉八愷使主后土以揆百事莫不時序舉八元使布五教于四方內平外成昔帝鴻氏有不才子天下謂之渾敦少昊氏有不才子天下謂之窮奇顓頊氏有不才子天下謂之檮杌縉雲氏有不才子天下謂之饕餮渾敦窮奇檮杌饕餮皆惡獸也能爲人害故天下之人目爲四凶堯不能去舜乃流四凶族投諸四裔以禦魑魅舜有大功二十四方莫不仰戴堯知舜之足授天下也使攝行天子事舜辭不獲乃以正月朔受終于文祖文祖者堯之祖廟以明天下之重不敢以已授也舜用璿

璣玉衡以齊日月五星之政類于上帝禋于六宗望于山川徧于群神集五瑞五瑞者五等諸侯所執之玉也覲四嶽群牧然後班瑞修巡狩之禮歲二月東巡狩至于岱宗柴望秩于山川覲東方諸侯協時月正日同律度量衡修五禮五玉三帛二生一死贄如五瑞卒乃復五月南巡狩八月西巡狩十一月北巡狩各於方嶽其禮如初歸格于祖廟用特牛禮五載一巡狩諸侯四朝敷奏以言明試以功車服以庸釐十有二州封其山望濬其川瀆法有常典惟刑之恤伯鯨治水九載而功用

不成三苗爲亂於江淮驩兜舉共工試以工師播荒急
事舜因巡狩歸而言於帝請流共工于幽州以變北狄
放驩兜于崇山以變南蠻遷三苗於三危以變西戎殛
鯀于羽山以變東夷四罪而天下咸服舜攝位二十八
年堯崩舜仰慕三年坐則見堯於牆食則覩堯於羹三
年喪畢而避丹朱天下不歸丹朱而歸舜然後踐天子
位即位之明年正月元日禘于文祖詢四嶽闢四門明
四目達四聰四方之情無所壅蔽命十二牧所重民食
敬授民時遠至邇懷蠻夷率服舜本處虞之媯汭號曰

有虞氏作都于蒲阪尚赤其社用上封丹朱于丹淵爲
諸侯以奉先祀服其服禮樂如之謂之虞賓示弗臣也
舜載天子之旗往朝瞽瞍彌奉子道封象於有庠象雖
爲諸侯不得爲政天子使吏治其民而納其貢賦舜厲
視聽求賢以自輔作五明扇立誹謗木恭己無爲彈五
絃之琴歌南風之詩曰南風之薰兮可以解吾民之愠
兮南風之時兮可以阜民之財兮當堯之時禹臯陶稷
契伯夷夔龍垂益彭祖皆以舉用未有分職舜知任不
專則功不成業不世則知不周鯀雖治水無功而禹爲

其子九年之間足知利害不使易業故首命禹為司空
平水土誅父用子而舜無疑心戮力勤王而禹無仇色
又命棄為后稷播百穀命契為司徒敷五教命皋陶為
士明五刑命垂作工理百工命益作虞治山澤命伯夷
作秩宗典三禮命夔典樂教胄子命龍作納言出納帝
命舜於是總命之曰各恭厥職時亮天功三載考績三
考黜陟幽明庶績咸熙乃封契於商賜姓子封棄於郟
賜姓姬封禹於夏賜姓姁禹曰非予能成大實是輔舜
嘉大賚之功錫以玄王妻以姚姓之女封之土田賜姓

羸祚四嶽之國命以侯伯賜姓姜封於申呂即伯夷也
垂益夔龍之後不知所封夔效山林谿谷之音以歌以
麋鞀置缶而鼓之擊石拊石象上帝石磬之音以致舞
獸拌五絃之瑟為十五絃命曰大章以祭上帝或曰重
黎舉夔舜以為樂正乃命益八絃為二十三絃之瑟夔
修九韶六列六英以明帝德正六律和五聲以通八風
重黎欲益求人舜曰一夔足矣十二牧行而九州莫敢
違惟禹之功為大披九山通九澤決九河復舊制而定
九州土田貢賦各効其職方五千里至于荒服天下明

德自虞帝始其樂曰大韶故仲尼稱之曰韶盡美矣又
盡善也君臣悅懌相和而歌曰元首明哉股肱良哉庶
事康哉又相戒勅而歌曰元首叢脞哉股肱惰哉萬事
墮哉于時日月光華卿雲叢聚又相和而歌卿雲帝歌
曰卿雲爛兮禮繚繚兮日月光華曰復曰兮八伯稽首
曰明明上天爛然星陳日月光華安于一人帝乃再歌
曰日月有常星辰有行四時順經萬姓允誠於予論樂
配天之靈遷于賢聖莫不咸聽襲乎鼓之軒乎舞之精
華已竭褰裳去之有苗氏左洞庭右彭蠡大山在其南

通志卷之二

十三

舜

舜山在其北負固不服禹欲伐之舜曰吾德不厚而行
武可乎乃大敷文德舞干羽于兩階七旬有苗格初舜
娶堯二女曰娥皇女英女英生商均亦不肖舜子九人
在位三十三載命禹攝行天子事禹推與臯陶不獲乃
以正月朔旦受命于神宗帥百官若帝之初舜生三十
徵庸三十在位五十載陟方乃死是為天子五十年年
百十歲司馬遷曰舜二十以孝聞三十堯舉之五十攝
行天子事五十八堯崩六十一代堯踐帝位三十九年
南巡狩崩於蒼梧之野葬於江南九疑是為零陵

或言葬

子紀市廛不變其肆皇甫謐曰舜以堯之二十一年甲子生三十一年甲午召用七十九年壬午即真百歲癸卯崩蓋本史記之言也或云舜一百五歲或云百十二歲舜豫薦禹於天十七年而

崩三年之喪畢禹亦避舜之子諸侯歸之然後踐天子位丹朱商均皆有土世為唐虞之國以奉先祀服其服禮樂亦如之以客禮見天子天子弗臣示不敢專也有虞氏禘黃帝而祖顓頊郊堯而宗舜幕能帥顓頊者也

故報焉 熊安生解禮云周以黃帝堯舜之後為三恪

臣謹按有虞氏以土德王天下又按司馬遷本孟子之言而表裏之曰堯賜舜絺衣與琴為築倉廩與牛

通志五帝紀一 十四

羊瞽瞍尚復欲殺之使舜上塗廩瞽瞍從下縱火焚廩舜乃以兩笠自扞而下去得不死後瞽瞍又使舜穿井舜穿井為匿空旁出舜既入深瞽瞍與象共下土石實井舜從匿空出去瞽瞍象喜以舜為已死象曰本謀者象象與其父母分乃取舜妻二女與琴而以牛羊倉廩與父母象乃止舜宮居鼓其琴舜往見之象鄂不懌曰我思舜正鬱陶舜曰然爾其庶哉舜復事瞽瞍愛弟彌謹又按韋昭曰三苗炎帝之後諸侯也堯舜之時誅討有罪廢絕其世不滅其國立其

近親紹其先祀所以有苗國歷代常存屢不從化隨
巢子汲冢紀年曰三苗將亡天雨血夏有冰地圻及
泉青龍生於廟日夜出晝日不出又按韓子曰瞽聵
爲父而舜放之象爲弟而舜殺之觀此所言則六經
不得夫子所謂聖人者其難爲聖人矣韋昭三苗之
說有理哉又按任昉述異記湘水去岸三十里有相
思宮望帝臺昔舜南巡而歿葬於蒼梧娥皇女英追
之不及相與慟哭淚霑竹竹文悉爲之斑斑然又云
會稽山下有虞舜巡狩臺臺下有望陵祠受南巡九

萬曆十七年刊

通志五帝紀第二

十五

監生顧良叔三百〇六
劉在

疑民思之故作是祠又云舜都郭門古宮存焉宮前
有堯臺舜館銘記文古不復識者按皇覽曰舜冢在
零陵營浦縣其山九谿皆相似故號九疑傳曰舜葬
蒼梧象爲之耕山海經曰蒼梧山舜葬于陽丹朱葬
于陰皇甫謐曰二妃葬衡山

右五帝自少昊至舜凡五世共三百八十五年

五帝紀第二

通志二

夏

商

周

禹夏后氏曰文命亦曰大禹

元年妣姓顓帝生鯀生鯀生

禹禹之母有華氏女曰修己禹生於石紐長於西羌長

九尺二寸聲為律身為度敏給克勤其德不違其仁可

親其言可信亶亶穆穆為綱為紀見耕耜五耦而式過

十室之邑則下為東德之士存焉聞善言則拜不貴尺

璧而重寸陰當堯之時洪水滔天用鯀治之九年不成

舜攝堯之政巡狩而行見治水無狀乃殛鯀於羽山天

三百四九

通志三王紀第三上

下皆以舜之誅為是舜乃舉禹使續父業天下皆以舜

之舉為公堯崩舜欲廣堯之績而求總百揆之人僉曰

伯禹作司空舜曰嗟禹汝平水土惟時懋哉禹念前日

之非度傷先人之無成一朝受命不敢迨遑勞身焦思

面目黧黑步不相過居外十三年過家聞其子呱呱而

泣門不入也菲飲食致孝乎鬼神惡衣服致美乎黼冕

卑宮室盡力乎溝洫陸行乘車水行乘舟泥行乘橈山

行乘橇身執耒耜以為民先服無肢脛無毛手足胼胝

體幹枯蝕高高下下疏雍導滯左準繩右規矩載四時

對九山決九川階九澤豐殖九藪汨越九原宅居九隩
合通四海品麩庶類禹常言人無食則不能使也不利
於人則不能勸也民勞而無怨苦者利之也民有鬻子
者禹以歷山之金鑄幣而與之償命益予衆庶稻可種
卑濕命稷予衆庶難得之食食少調有餘相給以均諸
侯初舜分十二州禹乃復舊制爲九州行水自冀州始
堯都冀州以天子之京邑故不言所底之山川餘八州
皆以山川疆其所底爲萬世不易之法以州國有變遷
而山川無變遷故也次兗州底濟河次青州底海岱次

徐州底海岱及淮次揚州底淮海次荊州底荆衡次豫
州底荆河次梁州底華陽黑水次雍州底黑水西河州
皆先治其山川然後定其土田賦入然後正其貢篚然
後道一州之水使有所歸故民得安居粒食爲萬世之
利使冀兗徐荆豫梁雍七州之水各歸于河使青州之
水歸于濟使揚州之水歸于淮泗九州旣理然後總理
天下凡山川皆起於極西而盡於極東水徇山而行故
禹之導山川皆自西始導九山各有所至岍岐嶓冢至
於荆山壺口雷首至於太岳底柱折城至於王屋太行

常山至於碣石西傾朱國鳥鼠至於太華熊耳外方桐
栢至於陪尾內方至於大別岷山之陽至於衡山九江
之南至於敷淺原導九川各有所歸弱水歸于合黎黑
水歸于南海河自積石東歸于海九河從之漢自嶓冢
南歸于江三澨從之江自岷而東由中歸于海澧水彭
澤從之濟自滎而北由東歸于海菏汶從之淮自桐栢
東歸于海沂泗從之渭自鳥鼠同穴東歸于河涇漆沮
從之洛自熊耳東北歸于河瀍澗伊水從之自是九州
攸同四隩既宅九山刊旅九川滌源九澤既陂四海會

同六府孔修度土交正底慎財賦各循三品成賦中邦
錫之封土賜以姓氏各戴君德無或違命然後弼成五
服至于五千里五百里甸服郊畿之服也効其賦入甸
而侯侯而綏綏而要要而荒各五百里遵其法守東漸
于海西被于流沙朔南暨聲教訖于四海天乃錫禹玄
圭爲瑞以告成功洪水漏中州乾百川順流蛇龍潛虺
民得去高險虯平土者禹也故曰微禹之功吾其魚乎
天無伏陰地無散陽水無沉氣火無災燁神無間行民
無滯心時無逆數物無害生天下皆宗禹爲山川鬼神

王舜即位三十有三載耄期倦于勤命禹總其衆攝行天子事禹固辭不獲乃受命十七年舜南巡狩而崩三年喪畢禹避舜之子於陽城天下諸侯皆去商均而朝禹於是即天子位號夏后氏元年作都于韓或言安邑即韓地尚黑社用松牲用黑以黑為徽號收冠玄衣十寸為尺封丹朱於唐商均於虞為諸侯作樂曰大夏改正朔以建寅為正月命皋陶為夏官九成昭其功也以五音聽三指鍾鼓磬鐸鞀以待四方之士為銘於篋箴曰導以遠者搗鼓喻以義者鼓鍾告以事者振鐸語以憂者擊

磬有獄訟者搖鞀嘗曰吾不恐四海之士留於道路恐其留吾門也一饋十起一沐三捉髮以勞于下出見罪人下車問而泣之左右曰罪人不道何痛之為禹曰堯舜之人皆以堯舜之心為心今朕為君朕之人各以其心為心是以痛之既服九州乃收天下之銅鑄九鼎以象九州之物初黃帝作車少昊加牛奚仲加馬禹命奚仲為車正建旗旒以辨等級古有醴酪禹始命儀狄作酒禹飲而美乃疏儀狄遂絕旨酒曰後世必有以酒亡國者禹舉皋陶而薦之且授政焉皋陶卒封其後於英

六或在許舉其子伯益任以政禹在位十年南巡狩會諸侯於塗山執玉帛者萬國

其山今在鍾離

禹濟江黃龍負舟

舟人恐禹仰天而歎曰吾受命于天生寄也死歸也予

何憂於龍哉視龍猶蝮蛇龍俛首而逝禹致群臣於會

稽防風氏後至戮之防風者汪芒氏之君也漆姓守封

嶠之山禹崩以天下授益葬于會稽之山陰在位十年

年百歲

或云在位十五年

三年喪畢益避禹之子啓居於箕山

之陰啓賢天下屬意焉益佐禹日淺天下未洽故諸侯

皆去益而朝啓曰吾君帝禹之子也夏后氏禘黃帝而

萬曆十七年刊

通志三三紀三二

五

監生潘季祖

六

祖顓頊郊鯀而宗禹

臣謹按夏后氏以金德王天下又按禹平水土萬邦

作乂乃使大章步自東極至于西垂二億三萬三千

五百里七十一步又使豎亥步自南極盡於北垂二

億三萬三千五百里七十五步四海之內東西二萬

八千里南北二萬六千里又按禹時天雨金三日亦

嘗雨稻又按述異記今吳越間防風廟刻木作形龍

首牛耳連眉一目禹會塗山防風後至誅之其長二

丈骨專車今南中民有姓防風者即其後也皆長大

俗云祭防風奏防風古樂截竹長三尺吹之如狗嗥
三人被髮而舞今湖州武康防風故國也又按越傳
曰禹至大越上苗山大會計爵有德封有功遂更苗
山曰會稽言會計也因病死葬葦棺穿壙深七尺上
無瀉泄下無邸水壇高三尺土階三等周方一畝墨
子曰禹葬會稽衣裘三領桐棺三寸地里志云上有
禹井禹祠相傳以下有羣鳥耘田

臣又按劉恕曰大江之南古之要服舜禹南巡崩不
返葬禹非不尊其君啓非不孝其父時享在乎廟貌
魂氣無所不之秦漢以下崇尚墓祭違經棄禮遠事
尸柩難以語乎理矣

萬曆十七年刊

通志三王紀三上

六

監生潘學祖
三首于 陳洋

帝啓

元年丁未皇
甫謚曰甲辰

其母塗山氏之女也有扈氏不服啓

伐之召六卿誓師大戰于甘之野遂滅有扈氏筮享神
於太陵之上是為鈞臺之享又筮于晉之墟作璿臺於
晉水之陽在位九年崩

皇甫謚
曰十年

子太康立

臣謹按夏為扈商為崇秦改鄠縣縣北二十里有故
扈城城周四里亦有甘亭又按世本有扈氏夏同姓
或云啓庶兄以堯舜傳賢禹獨與子故伐啓淮南子

曰有扈氏爲義而亡又按淮南子啓之母塗山氏禹
治洪水通轘轅山化爲熊謂塗山氏曰欲餉聞鼓聲
乃來禹跳石誤中鼓塗山氏往見禹方作熊慙而去
至嵩高山下化爲石禹曰歸我子石破北方而啓生
帝大康元年太康尸位以逸豫滅厥德黎民咸貳乃盤
遊無度畋于有洛之表十旬弗反有窮后羿距之于河
厥弟五人御其母後于洛之汭述大禹之戒而作五子
之歌羿之祖世爲射官天子賜之弓矢使司射夏之衰
也自鉏遷于窮石號有窮氏太康不得入國羿遂廢之

立其弟仲康太康在位二十九年失國而崩

臣謹按許慎曰羿帝嚳射官也又按淮南子堯時十
日羿射九鳥又曰羿除天下之害死爲宗布楚辭天
問曰羿焉彈日烏焉解羽博物志曰羿與鑿齒戰于
疇華之野羿持弓鑿齒持矛羿殺之或曰河伯溺殺
人羿射其左目風伯壞人屋室羿射中其膝舊云帝
嚳堯時各有羿羿乃善射之號也臣按其字從羽從
升升即拱字拱羽爲羿與伊尹之伊相類伊從人從
尹以其人能尹正天下伊與羿皆是指其人之名而

制字也切觀今之庸俗以般輸善掄材凡古屋壯頤者皆曰魯般造殊不知般為何代之人羿必太康時人以射得名堯嚳之時亦有善射之人世之訛者以為羿也

有康

元年仲康初即位

羲和失職沉湎于酒昏迷天

象日月無紀仲康命胤侯為大司馬總六師以征之仲康之世微弱政出於羿在位十三年崩子相立

帝相

亦曰相安元年戊戌

相徙都商丘征畎夷黃夷其後于夷來

賓東夷有九種曰畎夷于夷方夷黃夷白夷赤夷元夷

三十三

通志三

八

風夷陽夷相與有扈戰于甘澤不勝六卿請復之相曰不可德之不厚教之不修也於是處不重席食不貳味琴瑟不張鐘鼓不陳子女不飾親親長長尊賢使能暮年而有扈氏服然相之世政出於羿終為羿所殺或言為羿所逐失國居商丘依夏同姓諸侯斟灌斟鄩在位二十八年

有窮氏亦曰后羿自鉅遷于窮石因夏民以代夏政

元年

國號有窮樂正后夔之子伯封貪悖無厭忿類

無期謂之封豕羿滅之變是以不祀羿善射好田獵

不修民事而淫

丁原獸棄其賢臣武羅伯困熊羆在

圍而用寒泥寒

泥者伯明氏之讒子弟也羿以為相

泥行媚于內施

詔于外愚弄其民而虞羿于田樹之

詐慝羿猶不悛

歸自田家衆殺而亨之以食其子

其子不忍食死于

窮門羿篡夏自立凡八年或云二年寒

泥復殺羿而篡之

元年戊戌寒國今濰州泥因羿室

不改有窮之號

泥及豷澆既長矣泥使之用師滅

斟灌及斟鄩而殺

友后相乃封澆于過封豷于戈泥

在位三十二年

云為夏之遺臣靡所滅而立少康

小四百四十三

通志

卷三

九

帝少康

元年丙午少康夏

心相之子也母曰后緡當寒泥用

澆滅相之時后緡方

奴逃出自竇歸于有仍生少康既

長為仍牧正澆使其

臣椒求之逃奔有虞為虞庖正虞

君妻之以二姚而邑

諸綸有田一成有衆一旅布德行

惠夏衆歸心寒泥恃

其讒慝詐偽而不德于民夏之遺

臣靡自有鬲氏收二

國之燼滅寒泥而立少康少康使

女艾滅澆于過使季

行大呂反滅豷于戈有窮遂亡少康

還舊都復禹之績祀

夏配天不失舊物諸侯効職方夷

來賓在位二十一年

朋或云四十九年是泥子行立

臣謹按羿篡夏后
生澆至澆能用師
至杼能用師滅豷
之間夏之亂甚矣
其事可謂疏矣

相而立八年寒浞殺之因其室而
滅相相死乃生少康及少康生杼
討太康失邦至少康復夏蓋百年
少康之功高矣司馬遷之紀不志

帝杼

亦曰季杼一作省文也元年丁

子杼在位十七年崩子槐立杼能

帥禹者也戡定寒氏

之亂佐父中興故夏后氏報焉

帝槐

帝王世紀作武亦作魁元年

或作祖槐之世九夷來御在位二

十六年崩子芒立

大百七十八

通志三

卷五

十一

帝芒

元年庚戌在位十八

年或云十三年崩子泄立

帝泄

或作世或作宗元年戊辰

世或作祖泄之屬六夷來王始加爵

命在位十六年崩子

不降立

帝不降

或作江成元年甲申

不降在位五十九年崩弟扃立

帝扃

或作喬元年癸未

扃在位二十一年崩子廩立

帝廩

或作廣或作元

廩在位二十年崩不降子孔甲立

帝孔甲

元年甲子

孔甲立事鬼神復為淫亂夏后氏德衰諸

侯畔之在位三十

年崩子皐立

臣謹按孔甲之一世天降乘龍河漢各二龍有雌雄孔

甲不能食之而未獲豢豢龍氏陶唐氏既衰其後有劉

累學擾龍于豢龍氏事孔甲能飲食之賜氏曰御龍

以更豢豢之後龍一雌死潛醢以食夏后夏后饗之

美既而復求之累懼遷于魯縣今汝州

帝皐元年皐在位十一年崩子發立

帝發元年發之世諸夷賓于王門獻其樂舞在位十三

年或云十一年崩子履癸立是為桀

帝桀元年夏自孔甲以來諸侯多畔桀復不道武傷其

民民不堪命桀有力能申鈞索鐵伐有施有施人女以

大三百三十九
通志三卷三十一

末嬉一作末嬉嬖言無不從桀為之作象廊玉牀傾宮

瑤臺瓊室肉山脯林酒池可以運船漕隄可以望十里

一鼓而牛飲者三千人以樂之諫者以為妖言殺之伊

尹因說湯以伐桀救民湯以為賢而薦於桀桀不能用

而飲之酒群臣醉者持不醉者不醉者持醉者相和而

歌曰江水沛兮舟楫敗兮我王廢兮盍歸乎盍歸乎亳

亦大矣伊尹退而更曰樂兮樂兮四牡驕兮六轡沃兮

覺兮較兮大命格兮去不善而從善吾何不樂兮伊尹

既醜有夏復歸于亳告湯曰桀惑末嬉上下離心皆曰

上天弗恤夏命其卒桀有暴臣干辛凌轢諸侯謏臣左
師曹觸龍讒賊忠良關龍逢引黃圖以諫曰古之入君
愛民節用享國之日長今君用財若無窮殺人若恐弗
勝亡無日矣立而不去桀曰子又妖言矣吾之有民猶
天有日可有亡乎日亡吾乃亡於是焚黃圖殺龍逢衆
莫敢視桀愈自賢湯使人哭之桀召湯而囚於夏臺已
而釋之桀欲肆其侈心爲有仍之會有緡叛冬十月鑿
山穿陵以通河諫者曰洩天氣發地藏天子失道後必
有敗桀殺之暮年瞿山崩爲大澤水深九尺山覆於谷

下反在上桀見錄書云亡夏者桀於是大誅豪桀大費
之裔曰費昌見二日出東熒西沉問於馮夷夷曰西夏
東商費昌乃歸湯湯欲伐桀伊尹請之貢職以觀其動
桀怒而起九夷之師伊尹曰未可彼尚能起九夷之師
湯復修貢職如初太史終古出其圖法執而泣之桀不
聽終古奔湯湯告諸侯曰夏爲無道暴戾其民窮其父
兄棄其忠良守法之臣自歸于商湯又之貢職桀起九
夷之師不至伊尹曰可笑明年相湯伐桀桀奔南巢因
放之于南巢在位五十一年湯封夏後至周爲祀國舊

云禹之後分封以國為氏有夏后氏有扈氏有男氏斟
尋氏彤城氏褒氏費氏杞氏繒氏辛氏冥氏斟氏戈氏
臣謹按桀之時至德滅而不揚帝道揜而不興發號
逆四時春秋縮其和天地除其德樹社槁而崩裂容
臺振而掩覆犬群嗥而入淵豕銜蓍而席隩美人挈
首墨面而不容曼聲吞炭內閉而不歌喪不盡其哀
臘不聽其樂西老折勝黃神嘯吟飛鳥繳翼走獸廢
脚山無峻榦澤無注水田無立禾路無莎蘋金積折
廉塵龍襲無理百川沸伊洛竭泰山走山石泣宮中女

六三言平六

通志三卷三

十三

子化為龍俄復為婦人甚麗而食人桀命為蛟妾告
吉凶鸛鳴於國十日夕不止天雨血雨木冰六月霜
降桀為夜宮於深谷之中男女雜處三旬不出聽政
一夕大風揚沙填宮合之然桀時雖多災異亦安得
有如此所謂兩日鬪五星錯行鬼哭於國枉矢流地
出黃霧堯山崩灰山亡地震雷霆殺人之異容有之
右夏之世起禹元年戊戌終桀五十一年己酉十
七君十五世通后羿寒浞四百三十二年

契

古作商

帝嚳之子母曰簡狄有娥氏之女也簡狄因浴

而行有三人焉見玄鳥墮如簡狄取而吞之乃孕生契

契佐禹治水有功舜命之曰百姓不親五品不遜汝作

司徒敬敷五教五教在寬封於商今上洛也賜姓子禮緯曰以玄鳥

生子故也契與益稷皋陶見用於堯舜禹之時功業顯著卒

子昭明立卒子相土立相土居商丘宋地也故傳曰闕

伯居商丘相土因之卒子昌若立卒子曹圉立卒子冥

立冥為夏司空主水勤其官事死於水中商人郊之子

振立卒子微立卒子報丁立卒子報乙立卒子報丙立

卒子主壬立卒子主癸立卒子天乙立是為成湯

六百五十一
通志三王紀三十一
十四
臣謹按商人及周人繼繼者傳父子及者傳兄弟報

丁報乙報丙與主壬主癸皆弟兄之名疑前史指為

父子過矣

湯亦曰成湯亦曰履亦曰天乙以其用武得天下故號

曰武王為商家創業之祖故廟曰烈祖契之封商本上

洛後世遷于亳故京北杜縣亳亭是也司馬遷云禹興

西羌湯起亳俱在西也及湯有天下始居于商丘復命

以亳梁之穀熟是也本帝嚳之都故曰湯始居亳從先

王居自契至成湯凡八遷亳都有激水在焉故亦謂之

殷後世遷于鄕遷于相遷于耿遷于朝歌而殷商之名
未始偏廢以開國受命之祖所以命也湯爲夏方伯得
專征諸侯與葛爲鄰葛伯放而不祀湯使問之荅以犧
牲淦盛不給湯使遺之牛羊復使亳衆往爲之耕其不
祀自若有餉者葛伯殺之而奪其食湯始征之故曰湯
征自葛始東征西夷怨南征北狄怨皆曰奚獨後予后
來其蘇民之戴商久矣夷狄且懷之况中國乎伊尹處
士也名摯耕於有莘之野湯使人以幣聘之五反然後
往見湯言素王及九五之事或言伊尹爲有莘氏之媵

臣負鼎俎以滋味說湯致於王道湯舉伊尹任以國政
伊尹乃進君國子民之人皆在王官湯以伊尹爲賢而
薦於桀伊尹去湯適夏旣醜有夏復歸于亳入自北門
遇汝鳩汝方作汝鳩汝方之篇以言其志也湯出見網
於野者張其四面而祝之曰自天下四方皆入吾網湯
曰嘻盡之矣去其二面而更其祝曰欲左左欲右右欲
高高欲下下不用命者乃入吾網漢南諸侯聞之曰湯
德至矣及禽獸一時歸商者三十六國或言四十國有
白狼銜鈎及黃金黑玉之瑞夏末昆吾氏伯而爲亂湯

為景亳之會以徵兵於諸侯湯親秉鉞伐韋顧及昆吾

韋顧昆吾之與國也復黨於桀

昔高辛火正祝融氏曰黎其後有八姓昆吾蘇

顧溫已姓也醜夷豸非董姓也彭祖豕韋諸稽彭姓也舟人禿姓也鄔鄔昭偃陽妖姓也鄒呂曹姓也又有羊

姓斟姓惟斟無後或云帝嚳之祝融曰吳回生陸終陸終有子六人圻剖而生長昆吾次參胡次豳祖次會人

次安斟湯既克三國伊尹遂相湯伐桀湯以費昌為御

與桀戰于鳴條之野夏師敗績桀走保三朶

今定陶也

遂伐三朶俘厥寶玉而放桀焉伊尹報于諸侯諸侯大會湯

再拜而從諸侯之位曰天命無常惟歸有道三辭諸侯

莫敢當乃踐天子位湯歸自夏至于大坰惟有慚德曰

三百五十一 通志三卷之三

予恐來世以予為口實蓋以臣伐君以干戈取天下自

湯始所以慚也故仲虺作誥以釋之湯為天子反桀之

事遂其賢良以寬治民除其邪虐徇民所欲順天革命

改正朔以建丑為正月或言湯作歷不以正月朔旦為

節更用十一月冬至為元首至周從之服色尚白朝會

以畫社用栢或云社用石蕪植松牲用白以白為徽號

朝燕服皞冠而縞衣十二寸為尺初置二相以伊尹仲

虺為之湯謂伊尹曰每勤諸侯遠獻方物吾欲因其地

之所育易得不貴乃命伊尹為獻令初作圉取禽獸以

奉宗廟簡士卒習射御以戒不虞海外肅慎北發渠樓
氏羌來服民無食者以莊山之金鑄幣而賑之自伐桀
之後七年大旱洛圻川竭煎沙爛石太史氏曰當以人
禱湯曰請雨爲民也若以人禱吾自當之乃齊戒翦髮
斷爪素車白馬嬰以白茅身爲犧牲禱於桑林之社持
三足鼎祝諸山川曰勿以予一人之不敏俾上帝鬼神
傷民之命仍以六事自責曰政不節與民失職與宮室
崇與婦謁盛與苞苴行與讒夫昌與言未訖雨大作方
數千里命伊尹作樂曰大濩修九韶六列聞宮聲使人

溫良而寬大聞商聲使人方廉而好義聞角聲使人惻
隱而仁愛聞徵聲使人樂養而好施聞羽聲使人恭謹
而好禮湯令未命之士不得朱軒及飛軫不得乘飾車
駟馬衣文繡命然後得以旌有德湯二十七征而天下
服在位十二年元年庚八年百歲葬濟陰有莘氏生太丁外
丙仲壬太丁爲太子早卒而立其弟外丙商人掃舜而
祖契郊冥而宗湯上甲微皇甫謐曰微字上甲能帥契者也故報
焉

臣謹按劉向別錄曰九王者有法君專君授君勞君

等君寄君破君國君三歲社君凡九品圖其形象又
按湯以水德王天下又按皇覽曰湯家在濟陰定縣
北東郭外三里冢四方各十步高七尺漢哀帝建
平元年大司空御史長卿按行水災至湯冢劉向曰
湯無葬處皇甫謐曰湯即諸侯位十七年為天子十
三年百歲而崩又按劭聞伊尹賢使人請於有莘氏
不可伊尹亦欲歸湯湯娶於有莘氏乃以伊尹為媵
送文湯得伊尹祓之於廟照之以燭爨以犧豷明日
設朝而見之伊尹請湯以至味湯曰可得而為之乎
對曰君之國小不足以具之為天子然後可因說湯
以伐夏救民

通志三王紀三

帝外丙元年外丙在位二年崩立其弟仲壬

帝仲壬仲一作中仲壬在位四年崩伊尹立其子之子

太甲實成湯之適長孫也

帝太甲亦曰祖中太甲嗣位伊尹為之作伊訓肆命徂

后明言烈祖成湯之德以訓于王太甲既立不明伊尹

放諸桐而攝政當國以朝諸侯太甲居桐宮三年悔過

遷善十有二月朔伊尹以冕

嗣王歸于亳廼作太

甲三篇而申訓之伊尹既復政告老將歸又作咸有一德太甲在位三十三年廟曰太宗商家祖有功而宗有德故後世以祖宗稱之太甲崩子沃丁立

臣謹按伊訓成湯既沒太甲元年孔傳曰太丁未立而卒及湯沒而太甲立孟軻司馬遷云湯崩外丙仲壬皆即位乃及太甲與書不同劉歆皇甫謐皆從之此雖畔經亦無害若乃汲冢紀年曰商仲壬即位亳崩其鄉士伊尹放太甲于桐乃自立也伊尹即位放太甲七年太甲潛出自桐殺伊尹乃立其子伊陟

卷三百五十一

通志三王紀三上

十九

伊奮命復其父之田宅而中分之此害經之甚者也

帝沃丁

元年壬寅

沃丁八年伊尹卒伊尹於太甲之時告老

而歸于其邑至是沃丁乃葬之于亳在湯冢之西從先王也後世尊之曰先正保衡咎單相沃丁遂訓伊尹事而作沃丁之篇沃丁在位二十九年崩弟太庚立

臣謹按孔氏傳曰沃丁以三公禮葬伊尹皇甫謐曰沃丁八年伊尹卒年百餘歲大霧三日沃丁葬之以天子禮祀以太牢親臨喪以報大德焉又按皇覽曰伊尹冢在濟陰己氏平利鄉近於亳

帝太庚元年太庚在位二十五年崩子小甲立徐廣曰

小甲太

帝小甲元年小甲在位三十六年帝王本紀云崩弟雍

已立

帝雍已元年雍已之時商道始衰諸侯或不至在位十

三年崩弟太戊立

帝太戊元年太戊命伊尹之子陟為相寧有祥桑與穀

合生于朝一暮大拱或云七日大拱太戊患焉伊陟曰

妖不勝德君之政無乃有闕與太戊占之曰野木生於

六百七十四

通志三王紀卷

二十

朝國必亡於是修先王之政明養老之禮早朝晏退問

疾弔喪三日而祥桑枯死三年遠方之人重譯而至者

十六國是時太戊相伊陟巫咸而用臣扈伊陟贊于巫

咸或言巫咸治王家有成作咸又四篇太戊復贊伊陟

于廟言弗臣也作伊陟之篇伊陟辭焉作原命之篇臣

主皆賢商道復興在位七十五年崩廟曰中宗子仲丁

立

帝仲丁元年仲丁自亳遷于囂亦作藍夷為

寇仲丁征之在位十一年崩弟外壬立

帝外壬元年辛亥外壬在位十五年崩弟河曹甲立

帝河曹甲元年丙寅曹甲遷于相今鄴都也商復衰在位九年崩

子祖乙立

帝祖乙元年乙亥祖乙遷于耿河中龍門縣南十里故耿城是也為水所圯

遷于邢今邢州治也或云遷于奄巫賢任職商道復興在位

十九年崩子祖辛立

帝祖辛元年甲午祖辛在位十六年崩弟沃甲立

帝沃甲一作閔元年庚戌沃甲在位二十年崩祖辛之子祖丁

立

大百二十
通志卷之三十一

帝祖丁元年庚午祖丁在位三十三年崩沃甲之子南庚立

帝南庚元年壬寅南庚在位二十九年崩祖丁之子陽甲立

帝陽甲元年辛未陽甲之世商道衰微自仲丁以來廢適而

立諸弟弟子多立比九世亂諸侯莫朝在位七年崩帝

本紀
十六年弟盤庚立

帝盤庚元年戊寅庚之前作都在河北水泉汚溺蕩析民

居盤庚將涉河以民遷商自成湯以來凡五遷都邑臣

民重遷而相咨盤庚為是諭諸侯大臣言其先祖佐

我高后成湯法則可修之事以曉眾志乃渡河治亳修

湯之德行湯之政諸侯來朝在位二十八年崩弟小辛立

臣謹按皇朝書謚曰孟子稱湯居亳與葛為鄰亳即梁國穀孰縣山實湯之所都是為南亳又湯有景亳之命梁國蒙山北有亳城實湯所受命朝諸侯處是為北亳盤庚山以治亳在河南偃師是為西亳三地皆名亳立政所謂三亳也然亳之名本在西商人初作邑于商實上洛也後遷于亳故京兆杜縣有亳亭是也三亳之名皆自此亳始

大書

海內三王紀第三

二十一

帝小辛元年丙午小辛不能紀盤庚之業商家微矣百姓思

盤庚之治作盤庚三篇在位二十一年崩弟小乙立

帝小乙元年丁卯小乙在位二十年崩子武丁立

帝武丁元年戊午武丁為太子時學于甘盤遊于荒野盡知

民之疾苦能聳其德至于神明居憂亮陰三年不言政

事決於冢宰既免喪猶不言群臣咸諫曰天子惟君萬

邦百官承式王言惟作命不言臣下罔攸稟令王作書

以誥曰以予正于四方予恐德弗類茲故不言恭默思

道夢帝賚予良弼其代予言乃審所夢之象使圖其形

以求於天下而得說焉說禁室於傅巖之野惟肖殿
武丁見之與語而知其賢爰立作相而命之氏蓋因所
居也故曰傳說惟說總百官朝夕納誨于王又與同僚
協心佐治以成商家中興之業武丁開先祖之府取其
明法以爲君臣上下之節武丁祀成湯之明日有飛雉
升鼎耳而雉武丁患其不祥其賢臣祖己作訓于王言
天之所監在民王能愛民無非天祚武丁又責躬思道
三年編髮重譯來朝者六國自是服章多用翟羽孔子
曰吾於高宗彤日見修德而報之疾也苟由其道致其
仁則遠方歸德焉鬼方恃國而擾諸夏武丁伐之二年
乃克自是內外無患在位五十九年崩祖己嘉武丁之
祥雉爲立廟爲高宗子祖庚立

臣謹按書大傳曰湯之後武丁之前三道不報桑穀
俱生于朝十日而大拱武丁問諸祖己祖己曰桑穀
野炒而生于朝朝必亡武丁懼側身憂行思先王之
道興滅國繼絕世舉逸民明養老之道三年之後重
譯而朝者六國又按劉向曰高宗承商敝而起盡諒
陰之哀天下應之旣獲安定而怠於政乃有桑穀之

異又劉向著說苑以太戊武丁時俱有桑穀異又按
呂氏春秋湯時穀生於廷比日而大拱

臣謹按孔安國曰傅氏之巖在虞號之間通道所經
有澗水壞道常使胥靡刑人築其道說賢而代胥靡
之築以售食焉又按皇甫謐曰高宗夢天賜賢人胥
靡之衣裳之而來曰我從也姓傅名說得我者豈從
也哉武丁寤而推之曰傅者相也說者懼說也天下
當有相我而說民者故明日審夢以示百官皆非也
乃使百工寫其形象求諸天下果見築者胥靡衣褐

三十一

卷之三十一

共四

帶索執役于虞號之間傅巖之野名說以其得之傳
巖謂之傳說然謚既曰姓傅名說又曰得之傳巖謂
之傳說何也又按墨子曰傳說居北海之州圍土之
上衣褐帶索售築於傅巖之城臣按築者築室也依
巖築室其隱者與懷才抱道應時而起非役徒也以
士君子之身何自苦而衣胥靡之衣為刑人之事乎

帝祖庚

元年

祖庚在位七年崩弟辛甲立

帝辛甲

亦曰祖甲
元年甲午

無逸言祖甲者太甲也在位十六年

崩于廩辛立

臣謹按鄭康成曰祖甲之兄祖庚賢武丁欲廢兄立弟祖甲以為不義逃於民間周語曰帝甲而亂七世而隕

帝廩辛

亦曰馮辛元年庚戌

廩辛在位六年崩弟庚丁立

帝庚丁

元年丙辰

庚丁在位六年

帝王本紀十一年

崩子武乙立

帝武乙

元年壬戌

武乙復去亳都河北中國微弱東夷盛彊

分遷淮岱漸居中土武乙無道為偶人謂之天神令人為行與之博天神不勝侈辱之為革囊盛血仰而射之

命曰射天獵於河渭之間震死在位四年

竹書紀年曰武乙三十五年

通志三紀第三

三五

子太丁立

帝太丁

元年丙寅

太丁在位三年

紀年

崩子乙立

帝乙

亦曰辛乙元年己巳

乙之子二人長曰微子啓次曰仲衍季

曰紂啓母賤而立紂焉適故也或言三人同母母本妾也以為后生紂紂尚幼乙及后謂啓賢欲以為太子太

受據法而爭之曰廢適立庶不可乙在位三十七年商

紂曰微崩少子紂立

紂

亦曰辛亦曰受亦曰受德元年丙午

紂資辨捷疾見聞甚敏材力過人

格猛獸知足以拒諫言足以飾非矜人臣以能高天

下以聲以為皆出己之下始為象箸箕子歎曰彼為象
箸必為玉杯玉杯象箸必不盛土簋而羹菽藿必不衣
粗褐而舍於茅茨之下將錦衣九重高臺廣榭稱此以
求之天下不足其求矣致遠方珍怪之物侈輿馬宮室
之漸自此始箕子者紂之諸父也或言紂之庶兄名胥
餘紂伐有蘇氏有蘇氏以妲己女紂紂惑之言無不聽
所好者貴所惡者誅使師延延一作涓作朝歌北部之音北
里之舞靡靡之樂造鹿室而為瓊室玉門臺三里高千

尺七年乃成

其臺今在朝歌城中

厚賦斂以實鹿臺之錢而盈鉅

小注

通志三王紀三上

二十六

橋之粟益收狗馬竒玩充物宮室以人食獸廣沙丘苑
臺多取鳥獸之異者實其中大聚樂戲於沙丘以酒為
池以糟為丘縣肉為林使男女僕相逐其間大宮百里
宮中九市與崇侯費中戲於離宮以百二十日為一夜
謂之長夜飲車行酒騎行炙以繩羈人頭引就酒池醉
而溺死紂醉而忘其日及甲子問左右皆不知問箕子
箕子曰一國失日天下其危乎國人不知吾獨知之吾
其危乎亦以醉不知百姓怨望諸侯有畔者妲己以為
威不立耳乃說紂重刑辟初為鬻斗而然之使人舉鬻

更用銅柱而膏之焚于其下俾囚辟緣柱以資其姐已之
笑名曰炮烙之刑紂以西伯昌九侯鄂侯為三公九侯

亦謂鬼侯

今鄴縣有九侯城是也鄂徐夔謂一名卬鄂王縣有卬城今懷州治然晉地亦有各卬者

九侯之女美納之於紂其女賢而不淫紂惡而殺之醢

九侯鄂侯爭之脯鄂侯又剖孕婦而視其胎斲朝涉之

脛而視其髓西伯聞而竊嘆崇侯虎以告且曰昌仁而

有謀太子發勇而不疑中子曰恭儉而知時冠雖弊禮

加頭履雖鮮位在足彼將易置焉請及其未成形圖之

紂於是囚西伯於羑里

今河內湯陰

周之臣散宜生南宮适

闕天患之而問於三尚三子舊學于尚尚知其賢相與

見西伯羑里乃求有莘之美女驪戎之又焉有熊之九

駟西海濱之白狐林陵怪獸江淮大貝因嬖臣費中而

獻之散宜生趨而進曰西藩之臣昌命其行人敢効其

寶以免其辜紂大說曰一物足以釋其辜况多乎西伯

歸而獻洛西之地赤壤之田方千里請除炮烙之刑紂

許之仍賜弓矢斧鉞得專征典治南國江漢汝潁之諸

侯率循西伯之令於是陽為王門築靈臺列侍六撞鍾

鼓為樂紂聞之曰西伯改行吾無憂矣西伯陰收其德行

善諸侯多畔紂而歸周紂用費中為政費中善諛且嗜利又用蜚廉惡來革蜚廉善走惡來革者蜚廉之子也有力手裂虎兕善讒譎商容賢者棄而不用自此諸侯日益䟽惟黎國為近於郊畿之間附紂周人伐黎商之賢臣祖伊恐奔告于紂紂曰我生不有命在天於是作西伯戡黎西伯九年卒太子發立是為武王紂之淫虐茲甚微子數諫不從欲死與亡未能決問於太師疵少師彊對曰死而能安社稷利國家不恨為死死不能安社稷利國家不如亡箕子又諫不聽人曰可以去矣對

曰知不用而言之不智也殺身以彰君之惡不忠也為人臣而自說於民吾不忍為也乃被髮佯狂為奴隸鼓琴以見志傳之者為箕子操紂囚之王子比干紂之諸父也曰為大臣者不諫非忠也不死非勇也諫三日不去紂曰吾聞聖人之心有七竅乃剖比干之心而視之或言劊剔孕婦即比干之妻也微子曰父子有骨肉之恩而臣主以義屬父有過子三諫不聽則隨而號之君有過臣三諫不聽義可以去矣太師少師抱其祭器樂器奔周內史向摯載其圖法亦奔周武王問太公曰仁

者賢者亡矣商可伐乎對曰先謀後事者昌先事後謀者亡夏條可結冬冰可折時難得而易失初武王使人候商報曰讒勝良王曰未也又往報曰賢者出走王曰尚未也又往報曰民不敢誹怨矣王曰嘻遽告太公對曰刑勝故也其亂至矣往年武王東伐至孟津觀兵于商郊而還惟十有三年春大會于孟津二月甲子至商郊與紂戰于牧野紂兵敗乃走入宣室登鹿臺衣其寶玉就焚武王持大白之旗以麾諸侯諸侯畢拜武王揖之諸侯從入商國至紂死所王自射之三發而後下車

萬曆十七年

通志三王紀三上

三九

監生滿學祖

三百八十一王應志

以輕劔擊之以黃鉞斬紂之首而揭之大白之旗親射惡來之口紂之嬖寵如妲己者二人皆自殺王又射三發擊以劔斬以玄鉞而揭其首於小白之旗武王命周公訪商之遺老而知民之所欲乃修盤庚之政親商如周視仇如戚裂鼓折枹弛弓絕栝去舍宿露解劔帶笏商人忘亡紂在位三十三年身滅國亡太史公云成湯之後分封以國為姓有殷氏宋氏空桐氏稚氏此殷氏目夷氏然目夷公子魚之字也安得為國空桐氏稚氏並非國號

臣謹按高氏云周武王為天子始貶帝號稱王今考左傳云宋祖帝乙鄭祖厲王司馬遷本紀夏商皆稱帝周始稱王又按紂在位以來夷羊在牧梓化為松有燕口爪俱旬天雨肉雨血于亳大旱大水河竭山鳴兩日見天火焚宮宮中鬼夜哭女化為男龜生毛兔生角紂嘗六月獵於西土發民逐獸諫者曰長育之時不可逆天道絕地德君踐一日之苗民失百日之食紂殺之後數月大風飄牛馬發屋拔木飛揚數十里有雀生鷓占曰以小生大國家王而名昌紂聞是占而益怙又按武王平商有二虜問之若之國有妖乎一虜曰晝見星天雨血雨灰雨石大如甕六月雨雪一虜曰商有大妖此不與也子不聽父弟不從兄信者為欺欺者為忠婦人為政君子在野小人在位急令暴取以人餒虎田獵畢弋走狗試馬不避風雨好治池臺宮室百里之宮七十三所坐起以金鼓無長幼貴賤無禮義忠信無斗尺權衡此妖之大者也武王實其言再拜

右商之世起湯元年庚戌終紂三十三年戊寅三

十君十七世六百二十九年商歷曰起丙戌年

冢紀年曰二十九
王四百九十六年

三王紀第三上

通志三上

三王紀第三上

三十一

十君十七世六百二十九年商歷曰起丙戌年

冢紀年曰二十九

王四百九十六年

二王紀第三下

通志三下

周

棄曰后稷帝嚳之子也其母有邠氏女曰姜原姜原為
 帝嚳元妃因出野見巨人跡心忻然說欲踐之踐之而
 身動如孕者居期而生子以為不祥棄之於隘巷牛羊
 過者皆辟不踐或腓字之徒置之平林會伐林木者收
 而生之又遷而寘於渠中水主飛鳥以其翼覆薦之姜
 原以為神遂取養長之初欲棄之故名曰棄棄為兒時
 乞如巨人之志其遊戲好翫麻菽美及為成人遂

三十一

通志三下

二

卷三

好耕農相地之宜穀者稼穡焉民言效之堯聞而舉為
 農師民得其利舜命之曰棄黎民阻飢汝后稷播時百
 穀封於邠今武功縣號曰后稷別為姬姓后稷之興在
 陶唐虞夏之際皆有令德與契益伯夷佐禹平水土各
 有功稷勤於百穀而山死子不窋襲位不窋末年夏后
 氏政衰去稷不務不窋失其官奔戎狄之間卒子鞠立
鞠亦曰鞠陶卒子公劉立公劉雖在戎狄之間復修后稷之
 業務耕種行地宜遷邑于豳今邠州三水西南三十里有古豳城邠即豳也乃
 自漆沮渡渭取材用行者有資居者有積百姓懷之多

從歸焉周道自此而興詩人樂其德而歌之卒子慶節

立或言慶節國于豳卒子皇僕立卒子差弗立卒子毀

隄立卒子公非立公非亦曰辟万卒子高圉立高圉能率后稷

者也故周人報焉卒子亞圉立亞圉亦曰雲都卒子公叔祖類

立公叔祖類亦曰太公叔類亦曰組紺諸蓋卒子古公亶父立古公當殷武

乙之時王綱不振能復修后稷公劉之業績德行義國

人戴之薰粥來攻古公事之以皮幣犬馬珠玉菽粟貨

財皆不得免焉復欲其土地與民古公曰與之耆老曰

君不為社稷乎曰社稷所以為民也不可以所為亡民

通志三王紀卷第三下

也耆老曰君不為宗廟乎曰宗廟吾私也不可以私害

民也夫有民立君將以利之與人之兄居而殺其弟與

人之父居而殺其子以其所養害其所養吾不忍也民

之在我與其在彼何異二三子何患乎無君杖策而去

率其私屬去豳渡漆沮踰梁山邑于岐山之下今鳳翔府岐山

是始改國號曰周或言后稷始封于邠即號曰周豳人曰仁人之君不

可失也舉國扶老攜幼從之者二千乘一止而成三千

戶之邑鄰國聞其仁而多歸之古公乃賤戎狄之俗營

築城郭室屋而居作五官有司曰司徒司馬司空司士

司寇民歌樂之頌其德古公娶有邠氏女曰太姜美而

賢生太伯仲雍季歷或言太姜生少子季歷季歷娶摯

國之女曰太任亦賢生昌有聖瑞昌在母不憂在傳不

勤處師不煩事父不怒友于二虢二虢者昌之二弟虢仲虢叔古公

曰我世當有興者其在昌乎太伯仲雍知古公欲立季

歷以傳昌乃二人亡如荆蠻文身斷髮太伯自號句吳

荆蠻義而歸者千餘家古公卒或言百二十歲武王王天下追

號古公為太王太王能率耆者也故周人報焉季歷亦曰

季篤於行義諸侯順之商益衰公季以功多受圭瓚鉅

鬯之賜九命作伯號西伯得專征乃伐西落鬼戎俘其

主以歸公季卒年百歲子昌立武王王天下追號公季為

王季

臣謹按王肅曰太伯見王季生文王知天命之有在

去而適吳太王沒而不反或言古公將卒謂季歷曰

我死汝即推西兄彼即辭汝有義而安矣古公卒季

歷之吳召二兄相從而歸群臣欲立之太伯仲雍以

先君之命不可復如荆蠻

文王昌襲公季為西伯及武王王天下追謚文王文王

遵后稷公劉之業則古公公季之法篤仁優老慈少禮
賢日中不暇食以待士士以此多歸之伯夷叔齊兄弟
辭國而歸文王曰吾聞西伯善養老盍歸乎來太顛閔
夭散宜生南宮适鬻子辛甲大夫之徒皆歸之鬻子名
熊時年九十西伯曰子老矣鬻子曰捕虎逐麋臣已老
矣坐而籌策臣尚少也封於楚辛甲故商之臣事紂蓋
七十五諫不聽而去至周召公與語賢之以告文王文
王自迎之封於長子文王之為政也詢于八虞八虞者
周之八士皆為虞官咨于二虢以為卿士度於閔夭謀

萬曆十七年

通志三王紀三下

四

彭生潘李組
三百九十一彭心

於南宮誅於蔡原訪於辛甲重以周召畢榮是以能治
紂用崇侯虎之讒囚文王于羑里於是究明易道

或言

始作彖象

文王被囚七年諸侯皆從之囚紂懼而歸之

曰譖西伯者崇侯虎也文王之行信於諸侯諸侯皆來
決平虞芮之君爭田既久俱如周質焉入其境耕者讓
畔行者讓路入其邑男女異路班白不提負入其朝士
讓為大夫大夫讓為卿虞芮之君皆有慚色曰吾所爭
周人所恥吾曹小人不可以履君子之庭俱讓而去以
其田為閒田天下聞之一時歸周者三十餘國

或言四
十餘國

諸侯皆曰西伯蓋受命之君文王自是更稱元年是時商道不宏諸侯多事文王文王一年斷虞芮之質二年

伐邾三年伐密須四年伐犬夷五年伐黎黎亦謂之者六年

伐崇七年而崩史記亦以斷虞芮之訟為受命之年明年伐犬戎明年伐密須明年敗耆國明年伐邾明年伐崇侯虎明年西伯崩雖所伐有差而同為七年崩然書明言九年大統未集安得為七年崩也

自虞芮之訟決諸侯皆取質於西伯西伯為是東征西伐以討不平伯者之事也安得為受命乎初文

王伐邾問太公曰孰可伐太公曰密須可管叔曰其君

彊明伐之不可太公曰先王伐逆不伐順伐險不伐易

遂自阮徂共而及密須密須之人自縛其君而歸文王

萬曆十七年

通志三皇紀第三

監生潘季祖 四百四十四頁

文王伐崇宣言曰崇侯虎蔑侮父兄不敬長老聽訟不

矜分財不均民力盡不得衣食予將征之乃伐崇令無

殺人無壞室無塞井無伐木無掠六畜不如今者不赦

三旬而崇不降退修教而復伐之因壘而降文王行於

野見枯骨命吏瘞之吏曰此無主矣文王曰有天下者

天下之主有一國者一國之主吾即其主也以棺衾而

葬之天下聞之曰西伯之澤及枯骨况於人乎或言文

王為沼而得枯骨葬之文王問太公曰為天下若何對

曰王者之國富民伯者之國富士僅存之國富大夫無

道之國富倉府是謂上溢而下漏文王曰善遂發倉府
賑窮獨文王之業既光大乃遷于豐豐今在永興鄠縣東南有豐水焉

去岐山三百餘里分岐邦周召之地為周公曰召公奭

之采邑天下三分有其二猶率殷之叛國以事紂是時

五星聚於房赤雀銜書止于屋又有黃龍玄龜白魚赤

雀負圖銜書之應文王九年實紂之三十年也文王寢

疾五日謂太子發曰見善而弗怠時至而勿疑去非而

勿憚三者道之所止也太子再拜受之文王在位五十

年崩呂氏春秋曰四十年年九十七葬于畢今長安縣西畢陌是

三十三卷五十五
小八十一通志三王紀卷第三十二 六

也文王娶有莘氏之女曰太姒號文母文王治外文母

治內文王之業賴文母之助為多焉太姒十子長伯邑

考次武王發次管叔鮮次周公旦次蔡叔度次曹叔振

鐸次邲叔武次霍叔處次康叔封季曰聃季皇甫謚曰文王

一伯邑考次武王次管叔次蔡叔次邲叔次霍叔發曰

尤賢左右文王故文王令伯邑考而立武王也又有滕

毛郃雍畢原豐郇八國皆文王子也文王身長十尺十

二而冠十三而生伯邑考

臣謹按諸侯即位而再改元者或有焉史記秦惠

十四年更爲元年汲冢紀年魏惠成王三十六年改元稱一年何必受命而後改元也又據泰誓之序曰十有一年武王伐商其書曰十有三在春大會于孟津洪範亦曰十有三祀王訪于箕子則知武王伐商在十三年由泰誓序之訛以三爲一致後之說者紛紛也又按文王即位之八年六月寢疾五日而地震東西南北不出郊圻有司曰地震爲人主也群臣皆恐欲跽其城以移之文王曰天之見妖以罰有罪我若有罪若何逃罰率德改行其可免乎於是謹其禮

秩皮革以交諸侯飭其辭令幣帛以禮俊士領其爵級田疇以賞有功未幾疾愈又按文王囚於羑里厄憤而歌曰商道溷溷溷濁煩兮朱紫相合不別分兮迷亂聲色信讒言兮炎炎之虐使我愆兮幽之牢窞由其言兮遇我四國憂勤勤兮又按文王與呂尚語而大說曰吾先君太公曰當有聖人適周周以興無乃子邪吾太公望子久矣故號太公望然此臆說也名號之義不如是且周之先公無號太公者又何望焉又按文王以伯邑考饋於商爲紂御紂曰吾聞聖人不

食其子乃其伯邑考以羹遺文王文王得而食之紂曰孰謂昌為聖人此皆誕語也

武王即位太公望為師周公旦為輔召公畢公之徒為左右修文王之業文王之十一年或言九年東觀兵至于孟津為文王木主載之車中武王稱太子發奉先君東伐示不敢專也乃告司馬司徒司空遂興師太公左杖黃鉞右秉白旄誓衆渡河曰總爾行伍與爾舟楫後至者誅武王渡河中流白魚躍入王舟中武王俯取以祭既渡有火自上而下至于王屋流為烏其色赤其聲魄云

三百五十一

通志三王紀卷第三下

八

伯考

是時不期而會者八百諸侯皆曰紂可伐矣武王曰汝未知天命乃還師武王出見暘人蔭之於樾下左擁而右扇之天下聞之莫不懷其德紂之淫虐滋甚武王徧告諸侯曰今商如是不可以不畢伐遂率戎車三百乘虎賁三千人甲士四萬五千人將行卜戰龜焦不兆蒼立而折筮又不吉風雨暴至折蓋太公因其形而制曲蓋今猶存遺制焉群臣盡懼太公曰枯骨朽草不踰人矣乃焚龜棄蓍帥衆先進武王從之行之日以兵忌東面而逆太歲魚辛諫曰歲在北方不北征武王不從至汜而泛將涉河陽

侯之波逆流而擊舟風雨晝暝相視不見武王瞋目而
搗之風霽而波靡十有三年一月戊午師渡孟津前歌
後舞次于河朔諸侯以兵車會者四千乘武王乃作泰
誓以告于衆曰今商王受弗恭于天降災下民沈湎冒
色敢行暴虐罪人以族官人以世惟宮室臺榭陂池侈服
以殘害于爾萬姓焚炙忠良剝剔孕婦皇天震怒命我
文考肅將天威大勲未集肆予小子發以爾友邦冢君
觀政于商惟受罔有悛心同力度德同德度義受有臣
億萬惟億萬心予有臣三千惟一心商罪貫盈天命誅

之予弗順天厥罪惟鈞爾尚弼予一人永清四海明日
王乃大巡六師明誓衆士曰今商王受自絕于天結怨
于民斲朝涉之脛剖賢人之心崇信姦回放黜師保屏
棄典刑囚奴正士郊社不修宗廟不享作竒技淫巧以
悅婦人上帝弗順於是降喪爾其孜孜奉予一人恭行
天罰軍至鮪水紂使膠鬲候周師膠鬲見武王而問曰
西伯將焉之王曰將之殷膠鬲曰何日至王曰甲子膠
鬲去而雨大作皆曰不可行王曰吾今膠鬲以甲子報
其主矣遂行王韞係解五人御於前莫肯爲王結之皆

曰臣所以事君非爲結韉也王乃釋旄鉞俯而自結二月甲子朝至于商郊牧野乃誓武王左杖黃鉞右秉白旄以麾曰嗟我友邦冢君司徒司馬司空亞旅師氏千夫長百夫長及庸蜀羌髳微盧彭濮人稱爾戈比爾干立爾矛予其誓王曰古人有言牝雞無晨牝雞之晨惟家之索今商王受惟婦言是用惟多罪逋逃之人是信是使俾暴虐于百姓以姦宄於商邑今予發惟恭行天之罰今日之事不愆於六步七步乃止齊焉夫子勗哉不愆于四伐五伐六伐七伐乃止齊焉夫子勗哉如虎

如貔如熊如羆于商郊勗哉夫子爾所不勗其于爾躬有戮陳師牧野紂亦發兵七十萬以距之武王命師尚父與百夫致師以大卒馳紂師紂師雖衆無鬪心惟欲武王亟入武王馳之紂兵皆叛倒戈以開周師紂走而自燔武王持大白之旗以麾諸侯諸侯畢拜武王乃揖諸侯諸侯從王入商國商之百姓咸待于郊觀周師之入見畢公至商民曰是吾新君也商容曰非也視其為人嚴乎將有急色故君子臨事而懼見太公至民曰是吾新君也商容曰非也其人虎據而鷹趾當敵將衆威

怒自倍見利即前不顧其後故君子臨衆果於進退見
周公至民曰是吾新君也商容曰其人忻忻休休志在
除賊是非天子則周之相國也故聖人臨衆不惡而嚴
是以知之見武王至民曰是吾新君也商容曰然聖人
爲海內討惡見惡不怒見善不喜顏色相副是以知之
商人皆再拜稽首武王亦答拜武王乃出復軍皇皇若
天下之未定問太公曰柰商之士衆何對曰愛其人者
兼其屋上之烏憎其人者盡其儲胥咸劉敵靡使有餘
王曰不可問於召公對曰有罪者戮無辜者宥王曰不

可問於周公對曰使各居其居田其田無變新舊惟仁
是親王曰善哉明日除道及紂宮百夫荷罕旗以先驅
叔振鐸奉陳常車周公旦秉大鉞畢公秉小鉞以夾武
王散宜生太顛闕天皆執劍以衛旣入立于社南毛叔
鄭奉明水康叔封奉布茲召公奭贊采師尚父牽牲尹
佚奉筮祝柴于上帝祈于社朝于湯廟乃出設奠於牧
室迨至三代以古公爲太王公季爲王季謚其父曰文王
祀先公以天子之禮改文王之十三年己卯爲元年以建
子爲正月至於授民時巡狩祭享並用夏正建寅焉也尚

赤社用粟葬用栢牲用駢以赤爲儼號朝燕服冕而玄衣八寸爲尺其樂曰大武武王踐阼三日師尚父道丹書之言曰敬勝怠者昌怠勝敬者亡義勝欲者從欲勝義者凶以仁得之以仁守之其量自世以仁得之以不仁守之其量十世以不仁得之以不仁守之其世必傾王聞其言書之於席几鑑盥盤楹杖帶觴豆戶牖履劔弓矛皆爲銘焉微子持祭器造於軍門面縛銜璧輿襯武王親釋其縛受其璧而被之焚其襯禮而命之使復其位乃三分商之畿內封紂子武庚祿父爲諸侯以續

商祀治商之餘民恐其變也命管叔尹鄘蔡叔尹衛相祿父居邶是爲三監乃命召公釋箕子之囚命畢公釋百姓之囚表商容之間商容賢者也紂棄而不用隱於太行武王以爲三公固辭不受命命南宮适散鹿臺之錢發鉅橋之粟賑貧窮起幽側放傾宮之女命史佚展九鼎寶玉命閎夭封比干之墓命宗祝享祀于軍商民大說曰王於死者猶封其墓況生者乎亡者猶表其簡况存者乎王於財也聚者猶散之肯復藉乎王於色也王者猶歸之肯復求乎武王已平商亂罷兵西歸四月

三子豐丁未祀于周廟越三日庚戌柴望大告武成

倅馘于太廟封諸侯班宗彝分商之器物武王追思先

聖乃褒封神農之後於焦今陝州有焦城黃帝之後於祝今淄州

川帝堯之後於薊今幽州薊縣帝舜之後於陳今陳州宛丘大禹

之後於杞今開封雍丘於是封功臣謀士以師尚父為首封

于營丘曰齊今齊州臨淄封弟周公旦于曲阜曰魯今兗州仙源召

公奭於燕今幽州叔鮮於管今鄭州管城叔度於蔡今蔡州上蔡叔

振鐸於曹今廣濟定陶叔武於邲今濮州雷澤叔處於霍今晉州霍邑

康叔封聃季載皆少未封其餘各以次受封立七十一

大司甲 小六十四 通志三王紀卷第三下 十三

國封兄弟之國十五人同姓之國四十人周之子孫不

狂惑者皆得為諸侯惟周公留佐周武王徵九牧之君

登函之阜以望商邑王至于周自夜不寐周公旦即王

所曰曷為不寐王曰惟天不饗商自發未生於今六十

年麋鹿在牧蜚鴻滿野天不饗商乃今有成我未定天

保何暇寐我南望三塗北望岳鄙顧瞻有河越視伊洛

毋遠天室營周居于洛而後去縱馬於華山之陽放牛

於桃林之野偃干戈振兵釋旅釁鼓旗甲兵藏之府庫

示天下不復用也武王已克商虛已而問箕子商所以

亡箕子不忍言乃問以天道箕子陳洪範武王封之於
朝鮮而不臣也箕子嘗朝周過故商虛感宮室生禾黍
而作麥秀之詩曰麥秀漸漸兮禾黍油油彼狡童兮不
與我好兮商民聞之皆流涕後二年武王有疾天下未
集群臣懼而卜之周公乃被齋自為質告太王王季文
王欲身代武王占之曰吉周公納冊于金縢之匱中明
日有瘳武王自豐遷于鎬鎬在今永興鄠縣東南豐文
王都也自岐遷焉豐在豐水
之南鎬在豐水之東在位七年崩年九十三葬于畢封
禪
豐鎬相去二十里書云武王克商二年天下未定而崩皇甫謐曰武王元
年乙酉六年庚寅崩皇覽曰文王武王周公冢皆在長
安鎬聚東社中也太子誦立是為成王周人禘嘗而郊稷祖文
王而宗武王文武二廟蓋百世不遷云

通志三王紀卷第三 十四

臣謹按周以木德王天下又按皇甫謐曰武王伐紂
之年夏四月乙卯祀于周廟將帥之士皆封諸侯者
四百人

成王元年丙戌周公位冢宰以天下初定王年少恐諸侯
畔周公攝政當國南面黼裳以朝諸侯成王冠周公命
史雍曰辭達而已勿多也史雍頌曰近於民遠於佞近
於義留於時惠於財任賢使能周公曰善成王朝于祖

廟以見諸侯管叔蔡叔群弟疑周公攝政恐不利於成
王奄君告武庚祿父曰此百世之時也請舉事管蔡挾
武庚率奄淮夷叛周公奉王命與師東伐周公居東二
年罪人斯得誅武庚管叔放蔡叔與之車七乘徒七十
人降霍叔于庶人三年不齒遂定奄及淮夷東土以寧
諸侯復宗周分殷之餘民爲二以其一封微子啓代殷
後國於宋又以其一封康叔於衛又封季載於聃實周
公之季弟也又封武王之四子於晉邠應韓晉國得嘉
禾異畝合穎獻之成王成王以歸周公于兵所周公受禾
六

東土旅天子之命作嘉禾周公遣使察民之有飢寒者
獄訟之有寃者賢才之有幽滯者歸而以告周公周公
於其君來朝也揖而問之百姓聞之曰何居之深而見
之明也六年周公朝諸侯於明堂制禮作樂頒度量而
天下大治文趾之南有越裳氏重三譯而獻白雉周公
曰德澤不加君子不饗其贄政令不施君子不臣其人
譯曰吾國之黃耆曰天無烈風淫雨海不揚波三年矣
意中國有聖人於是來朝周公致薦于宗廟使者迷其
歸途周公錫以駟車五乘皆爲司南之制使者載之由

扶南林邑海際朞年而至其國故指南車常為先導示服遠人以正四方周公行政七年成王長周公反政北面就群臣之位成王欲紹承武王之志乃使召公先相宅于洛邑周公復申視而卒營築謂之王城今河南是為東都方千七百二十丈郭方十七里南繫于洛水北因于邾山故亦謂之邾邾遷商之九鼎而居之卜世三十卜年七百乃制邾甸方六百里因西土為方千里分為百縣縣有四郡郡有鄙以東都為天下之中四方朝貢道里均焉周公又營成周今洛陽縣也遷商之頑民初周

通志三王紀卷第三下 十六

公避管蔡流言之難居東思公劉太王居豳之事以比序已志及成王迎之攝政致太平其出入也一德不回純似公劉太王太師因述其志主於豳公之事故為豳風成王既伐東夷肅慎來賀王賜榮伯作賄肅慎之命虞夏商之幣金為三品或黃或白或赤或刀布或龜貝周制以商通貨以賈易物太公立九府圜法周官有太府外府泉府天府職內職幣職黃金方寸重一斤錢圜金皆掌貨幣之官故曰九府函方輕重以銖布帛廣二尺二寸為幅長四丈為疋故曰寶於金利於刀流於泉布於帛東於帛周公為太師

召公為太保畢公為太傅召公以周公嘗攝王政不宜
留在王朝復列臣職其意不說周公陳已意作君奭以
告之衛康叔曁季載皆有馴行周公言於王舉康叔為
司寇賜寶玉祭器以彰有德季載為司空各效其能餘
五叔無官但有爵土而已

以非材能者不可任以官也

初降霍叔為

庶人後三年復其舊封成王之時咸陽兩金末年四月
甲子王疾大漸謂太子釗之不任乃命召公畢公率諸
侯相太子而立之或言召太保奭芮伯彤伯畢公衛侯
毛公率百官相太子而立之

彤姬姓 乙丑王崩在位三

大三十四十九
小三十一

通志三王紀卷第三下

十七

十年通周公攝政為三十三年鄭玄曰成王二十八年召

公畢公少太子見于先王廟申告以文武為王業之不
易務節儉毋多欲以篤信臨之作顧命

臣謹按鄭玄曰周公避居之初是武王崩後三年成
王生十三年矣居東二年成王年十四矣迎周公返
而居攝成王年十五矣七年致政成王年二十一矣
故金縢注云文王十五生武王九十七而終終時武
王八十三矣於文王受命為七年後六年伐紂後二
年有疾瘳後二年崩崩年九十三矣周公以武王崩

後三年出五年秋復返居攝四年作康誥五年作召
誥七年作洛誥伐紂至此十六年也作康誥時成王
年十八洛誥時年二十一也即政時年二十二然則
成王以文王終明年生也又按王肅金縢注云文王
十五而生武王九十七而終時受命九年武王八十
三矣十三年伐紂明年有疾時年十八矣九十三
而崩以冬十二月其明年稱元年周公攝政遭流言
作大誥而東征二年克武庚殺管叔三年而歸制禮
作樂出入四年至六年而成七年營洛邑作康誥召

誥洛誥致政成王然則文王崩之年成王已三歲武
王八十一而生成王武王崩時成王已十三周公攝
政七年而致政成王年二十也明年即政年二十一
也又按尚書大傳叙周公居攝曰一年救亂二年克
商三年踐奄四年建侯于衛五年營成周六年制禮
作樂七年致政又按左傳曰成王定鼎于郊鄜卜世
三十卜年八百汲冢紀年曰西周二百五十七年通
東周徧合七百之數三統歷西周三百五十二年并
東周八百餘年

康王

元年 癸亥

即位徧告諸侯宣告文武之業以申之乃朝

諸侯於豐宮成康之際天下安寧刑錯四十餘年不用

康王命作策畢公分居里成周郊作畢命康王在位二

十六年崩年五十七子昭王瑕立

昭王之時

元年 巳丑

有光五色貫紫微并水溢是時王道衰

諸侯擅相征伐荆楚不朝王南征濟漢水漢濱之人以

膠船進王中流膠液船解王及祭公沒焉其崩不赴告

諱之也在位五十二年

皇甫謐曰在位 二年年三十五

子穆王滿立

穆王即位

元年 庚辰

春秋巳五十矣王室衰微穆王閱文武

三十五十七 小字此の

通志三定紀卷第三十二

一九

之道缺乃命伯冏申戒太僕作冏命王寵盛伯之女盛

姬為之築重璧之臺怠於政治徐夷作亂帥九夷以伐

宗周西至河上穆王患其熾也乃分東之諸侯命徐子

主之徐子嬴姓處潢池之東地方五百里行仁義通溝

陳蔡之間欲舟行上國得朱弓朱矢以為天瑞自號偃

王陸地而朝者三十六國皐陶之裔曰造父以善御幸

於穆王王得八駿日行千里使造父御之欲車轍馬跡

周於四荒八極西與王母宴于瑤池作白雲黃竹之歌

樂而忘歸聞徐偃王僭竊復御八駿長驅而還使造父

告楚令伐徐王孫厲謂楚子曰徐王好行仁義其志大矣君若不伐楚必事徐楚子曰若有道不可伐對曰大伐小疆伐弱猶石之投卵虎之噬豚也楚子於是伐徐偃王不忍鬪故敗乃北走彭城東山下民從之者以萬計因名其山曰徐山徐子將死曰吾為不忍以至於此王將征犬戎祭公謀父諫曰先王耀德不觀兵夫兵戢而時動動則威觀則玩玩則無震武王致戎于商牧非務武也勤恤民隱而除其害自其君大畢伯士之終也

大畢伯士犬戎氏之二君

犬戎氏以其職來王今天子曰予必不享

三百六十九

通志三王紀卷第三下

二十一

征之無乃廢先王之訓而王幾頓乎王不聽遂征之獲四白狼四白鹿以歸遷戎于太原自是荒服不至王享國百年耄荒諸侯有不睦者甫侯為相言於王修刑辟命之曰甫刑王起六師至于九江伐楚會諸侯於塗山在位五十五年崩年百五歲子共王繫扈立共亦作恭共王元年游於涇上密康公從有三女犇之其母曰必致之王夫獸三為群人三為眾女三為粲夫粲物之美也眾以美物歸女而何德以堪之王猶不堪况爾小醜乎小醜備物終必亡康公不獻一年王滅密共王

能庇昭穆之闕在位十年崩皇甫謐曰在位二十五年

年子懿王躋立

懿王元年乙酉之時王室遂微詩人作刺紀侯譖齊哀公于

王王烹之王嘗居大丘其地與鎬京相近有離宮在焉

懿王在位二十五年崩皇甫謐曰在位二十五年共王弟辟方立

是為孝王

孝王元年庚戌之時大雨雹牛馬死江漢水召秦非子使主

馬汧渭之間馬大蕃息孝王在位十五年崩年六十五

懿王子燹立是為夷王

通志三王紀卷第三下 王

夷王元年乙丑始下堂而見諸侯荒服不至命虢公帥六師

伐太原之戎至俞泉獲馬千疋在位十五年崩或云十六年

年六十子胡立是為厲王

厲王元年庚辰暴虐楚熊渠畏其伐去二子王號淮夷入寇

王命虢仲征之不克王好利近榮夷公大夫芮良夫諫

曰王室其將卑乎夫榮公好專利而不知大難夫利百

物之所生也天地之所載也而有專之其害多矣匹夫

專利猶謂之盜王而行之其歸鮮矣榮公若用周必敗

王不聽卒以榮公為卿士諸侯不享王行暴虐後微國

人謗之召穆公虎諫曰民不堪命矣王怒得衛巫復
謗者以告則殺之諸侯不朝三十四年王益嚴國人莫
敢言道路以目王喜告召公曰吾能弭謗矣召公曰是
鄭之也防民之口甚於防水水壅而潰傷人必多民亦
如之是故為水者決之使導為民者宣之使言故天子
聽政使公卿列士獻詩瞽獻曲史獻書師箴賦騶誦
百工諫庶人傳語近臣盡規親戚補察

無眸子勝有子而無見

百工諫庶人傳語近臣盡規親戚補察

通志三十三卷第三十

原隰衍沃也衣食於是乎生口之宣言也善敗於是乎
興行善而備敗所以產財用衣食者也夫民慮之於心
宣之於口成而行之若壅其口其與能幾何王不聽於

是國人莫敢出言二年乃相與畔龍王王出奔于彘

州霍邑漢為彘縣

太子靜匿召公之家國人圍之召公曰昔吾

驟諫王王不從以及此難今殺王太子王其以我為讎
而懟怒乎乃以其子代王太子太子竟得脫召公與周

公二相行政號曰共和厲王在位四十年流于彘并共

和十四年通五十四年崩于彘

或云在位三十七年通共和為五十一年

子靜長於召公之家二相乃立之是爲宣王

臣謹按共和者周召二公共行政而無相違戾者也
汲冢紀年及魯連子曰共國之伯名和行天子政

宣王元年周召二相輔王法文武成康之遺風王命召
公虎平淮夷命皇父整六師程伯休父爲司馬征徐戎
命召伯定南邦封申伯以襄其功命蹇父撫北土封韓
侯爲諸侯長命仲山甫出使喻王之德意于四方乃城東方
以定齊邑海內爭然尚風諸侯復宗周尹吉甫作詩以美
之王不籍千畝號文公諫曰民之大事在農故稷爲大

三百七十一

通志三王紀卷第三下

二十二

官今欲修先王之緒而棄其大功可乎王不聽大旱自
二年不雨至于六年十二年春魯武公與子括戲來朝
王愛戲命魯舍括而立戲仲山甫諫不聽卒立戲是爲
魯懿公二十二年王晏起姜后脫簪珥待罪於永巷使
其傅母言於王曰使王好色而忘德失禮而晏起自臣
妾始敢請罪王曰寡人之過也自是早朝晏罷卒成中
興之業二十一年魯括之子伯御殺懿公而自立二十
年有馬化爲人有兔舞于鐻京三十二年王伐魯殺伯
御立懿公之弟稱是爲孝公諸侯自是不睦王欲得同

子之能訓導諸侯者樊穆仲曰魯侯肅恭神明詢事者
老賦事行刑必問遺訓而咨於故實王曰然則能訓治
其民矣乃命孝公於夷言三十二年有焉化為狐三十
四年王征獫狁三十八年王伐條戎奔戎王師敗績三
十九年與姜氏之戎戰于千畝王師敗績王御奄父曰
公仲脫王奄父者趙造父六世孫王既喪南國之師乃
料民於太原仲山甫諫曰古者不料民而知其多少且
無故料民天之所惡也王卒料之周道復衰四十一年
王征申戎破之四十六年崩初王將殺杜伯而非其罪
杜伯之友左儒爭之于王九獲不許王曰汝別君而異
友也儒曰君道友逆則順君以誅友友道君逆則帥友
以違君王怒曰易而言則生不易則死儒曰士不枉義
以從死不易言以求生臣能明君之過以正杜伯之無
罪王殺杜伯左儒死之後宣王畋于圃田見杜伯執弓
矢射王王竟崩于圃田子幽王宮涅立

臣謹按史記自共和之後始書年紀甲共和之前則
無年也皇甫謐之徒及歷家自熹皇以來各有年代
間或異同臣今亦從之而注甲歷及異同於其下

備觀揆然皆不足取信也共和始於庚申終於癸酉
盡十四年宣王元年始於甲戌自此以後年數具在
甲歷可推然仲尼紀年始於魯隱蓋本東周

幽王二年西周三川皆震

三川者涇渭洛皆秦地之水非東周之三川也

伯陽

甫曰周將亡矣

伯陽甫周柱下史老子也

夫天地之氣下失其序若

過其序民亂之也陽伏而不能出陰迫而不能蒸於是
有地震今三川實震是陽失其所而填陰也陽失而在
陰原必塞原塞國必亡昔伊洛竭而夏亡河竭而商亡
今周德若二代之季矣其川原又塞塞必竭夫國必依

三才

通志三王紀卷第三下

二十五

山川山崩川竭三國之徵也若國亡不過十年數之紀
也是歲三川竭岐山崩初王伐褒姒人獻褒姒王惑之
褒姒年十四與虢石父比而譖申后及太子宜臼大夫
尹氏及祭公復導王為非六年王命伯士伐六濟之戎
王師敗績伯士死之是時四夷交侵戎圍大丘秦世父
擊之為戎所虜歲餘復歸之八年王以鄭伯友為司徒
和集其民周人便之是為鄭桓公九年王廢申后及宜
臼以褒姒為后立其子伯服為太子宜臼奔申太史伯
陽曰禍成矣無可奈何褒姒不好笑王說之萬方不能

得周制有寇至則舉烽燧大鼓諸侯悉至王乃大舉烽燧諸侯至而無寇喪妣乃大笑王爲是數舉烽燧其後不信諸侯益亦不至喪妣好聞裂繒之聲王發繒裂之以適其意號石父佞而好利王以爲卿士朝多亂政諸侯不享王室騷然於是爲太室之盟戎狄叛之十一年王欲殺宜臼求之於申申侯弗予工伐之申侯與鄭人召西夷犬戎攻王王舉烽燧徵兵兵莫至遂殺幽王驪山下戲水虜護妣并殺鄭桓公盡取周賂而去諸侯即申共立宜臼是爲平王以奉周祀是時秦襄公衛武公

三十四

通鑑卷三十三

二十六

將兵救周平戎鄭人立桓公子掘突是爲武公幽王末年日暈再重內赤外青有一黑畫上下通在日中牛化爲虎羊化爲狼幽王在位十一年

臣謹按自武王元年巳卯至厲王四十年巳未二百八十二年自共和元年庚申至幽王十一年庚午七十一年共三百五十二年爲西周又按幽王旣死鄭武公晉文侯輔平王東遷號公立伯服是爲攜王故左傳曰攜王奸命杜預曰攜王伯服也古文作伯盤攜王之立國人不順未經年而廢之又按汲冢紀年

曰幽王死申侯魯侯許文公立平王於申號公翰立王子余二王並立余為晉文侯所殺

臣又按周太史伯陽讀史記曰周亡矣昔自夏后氏之衰也有二神龍止於夏庭而言曰予褒之二君夏帝卜殺之與去之與止之莫吉卜請其藜而藏之乃

吉藜龍所吐沫也於是布幣而策告之龍亡其藜在積而藏

之夏亡傳其器于商商亡傳其器于周比三代莫敢發厲王末年發而觀之藜流于庭不可除也厲王使婦人裸而譟之藜化為黑龜入王後宮後宮之童妾

三才冊一
小十八

通志三才紀卷第二下

二十七

既亂而遭之既筭而孕無夫而生子懼而棄之宣王

之時童謠曰檠孤箕服實土周國檠孤檠木為弓箕木名服矢房有

夫婦賣是器者宣王使執而戮之逃於道見鄉者後

宮所棄乃女子也夫婦哀其夜號而收之遂奔褒國

褒人有罪請入是女以贖以其出於褒故謂之褒姒

姒褒姓也

平王即位當幽王之亡豐鎬蕩然犬戎侵逼近郊於是

晉文侯鄭武公秦襄公夾輔平王子申而遷于王城即

成王所營之東都也王勞晉鄭而賜之盟曰世世

諸侯賜岐以西之地秦始通于上國命鄭武公爲司徒
鄭於是取郟號十邑之地而遷焉是爲新鄭自是齊楚
秦晉始大政由方伯天子微弱戎狄交屠乎諸夏自隴
以東及此伊洛與戎雜居故渭首有狄原封冀之戎涇
北有義渠之戎洛川有大荔之戎渭南有驪戎伊洛間
有揚拒泉皋之戎潁首以西有蠻氏之戎實賴秦人爲
西堡障故秦文公伐戎收周之餘民而得岐內之地自此
以東獻之周周平王四十九年魯隱公元年也五十一
年崩太子洩父早死立其子釁是爲桓王

三十一

通志三王紀卷第三十二

二十八

桓王平王之孫也三年鄭莊公來朝王不禮焉莊公者
桓公之孫武公之子也桓公死於幽王之難武公輔平
王東遷莊公欲脩祖禰之好而王不禮之鄭始怨周五
年鄭與魯易許田許田者天子有事于泰山鄭人來相
事之田也今易於魯云云之周也十三年王奪鄭伯政
鄭伯不朝王伐鄭鄭人禦之矢中王肩二十三年桓王
崩子佗立是爲莊王

莊王二年十月辛卯朔日有食之四年周公黑肩欲殺

王而立王子克王子克者莊王之弟字儀也周大夫辛伯告王王殺黑肩克奔燕莊王在位十五年崩子胡齊立是為僖王

僖王

僖亦作釐

三年春諸侯會于鄆齊桓公始霸楚亦始大

五年崩子閔立是為惠王

閔一作諱

惠王二年秋周大夫為國邊伯詹父子禽祝跪奉莊王之寵子子頹以伐王王出奔溫蘇子奉子頹奔衛衛師燕師伐周立子頹為王設饗禮作樂徧及六代之舞三年鄭伯和王室不克遂以王居于櫟四年虢公鄭伯同

三十三

通志三十三卷第三下

十九

伐王城殺子頹及五大夫而納王十年王使召伯廖賜齊桓公命為侯伯二十四年冬王崩太子鄭畏太叔帶之難不發喪而告難于齊二十五年春諸侯盟于洮謀王室也襄王定位而後發喪春秋書十二月丁未從告也是歲周有白兔舞于市

臣謹按惠王十五年七月有神降于莘王問內史過曰何神也對曰昭王娶於房曰房后有爽德協於丹朱丹朱憑身以儀之生穆王實照臨周之子孫今在虢土虢君無道其亡乎王曰吾其若之何對曰祝史

奉牲以獻焉而勿祈也虢公使祝史請土焉過闕之
曰虢亡必矣

襄王即位襄王之母早死陳嬀繼之實惠后生叔帶有
寵於惠王王欲立之襄王三年主使召武公及內史過
賜晉惠公命惠公執王惰過歸告王曰晉侯不亡必無
後夏叔帶召我伐京師入王城焚東門秦晉伐我以救
周是歲雨金于晉四年秋叔帶奔齊是歲星晝隕于秦
有聲十二年宋襄公霸十四年王以富辰之言召叔帶
自齊歸于京師五年爲我難齊帥諸侯戍周初平王東

遷辛有適伊川見被髮祭於野者曰不及百年此其戎
乎其禮先亡矣秋秦晉遷陸渾之戎于伊川十六年秦
穆公霸秋狄人奉叔帶攻土王出適鄭居于汜子帶自
立爲王居于温十七年晉文公用狐偃之言納襄王殺
叔帶王賜晉文公南陽之田二十年晉楚戰于城濮楚
師敗績五月王命晉侯爲侯伯於是晉文公始霸冬王
狩于河陽以勞晉師二十九年秦用由余謀伐我益國
十二開地千里王使召公過錫穆公以金鼓三十三年
崩于王臣立是爲頃王

頃王在位六年崩周公闕與王孫蘇爭政故不赴于諸侯是歲有星

匡王元年六月辛丑朔日有食之三年秋甘歃敗戎于邲垂六年崩子瑜立是爲定王史記云弟瑜立

定王元年春楚子伐陸渾之戎遂觀兵于周疆王使王孫蒲勞楚子楚子問鼎之大小輕重蒲曰在德不在鼎昔成王定鼎于郊鄆十世三十一一年七百周德雖衰天命未改鼎之輕重未可問也五年河徙六年王使單襄公聘于宋八年使劉康公聘于魯十四年成周宣榭火

簡王
十七年劉康公伐茅戎敗績二十一年崩子夷立是爲簡王

簡王八年春魯成公朝周王使劉康公成肅公會晉厲公伐秦十二年尹武公單襄公及諸侯伐鄭十三年春晉人弒厲公逆襄公之曾孫周于京師而立之是爲悼公十四年崩子泄心立是爲靈王

靈王生而有髻鬋甚神聖東遷之後王室衰微至靈王始振二十一年十一月庚子孔子生二十七年王崩次子貴立是爲景王

臣謹按皇覽曰靈王家在河內城西南相亭西周山上蓋以靈王生而有髭又神聖故謚靈王其家民祀之不絕又按馬總亦曰靈王生而有髭十六年太子晉登仙

景王八年春魯舍中軍畢公室也四分公室季氏擇二仲叔各一皆盡征之而貢于公二十五年崩景王太子早卒王子朝以庶長景王愛而欲立之未及而崩王子丐之黨爭立國人立王子猛是為悼王

臣謹按皇覽曰景王家在洛陽太倉中秦封呂不韋洛陽十萬戶故大其城并圍景王家

悼王立未及一年王子朝攻殺之晉人攻子朝而立匄是為敬王敬王者悼王之母弟也

敬王元年晉人立王王子朝自立王不得入居于澤四年晉率諸侯納王于周尹氏召伯毛伯以子朝奔楚十年王以子朝之亂王城墮壞欲遷于成周八月王使富辛石張請城于晉又晉魏舒合諸侯之師城成周十四年春王人晉侯會諸侯于召陵謀伐楚十五年三人殺子朝于楚十六年周儋翩率王子朝之徒因鄭人作亂

伐周六邑十二月天王處于姑猶十七年尹氏復黨儋
翩爲亂夏單武公劉桓公敗尹氏于窮谷冬單子劉子
逆王十一月王入于王城十八年春單子劉子討儋之
黨以定王室三十九年春魯人西狩獲麟四十一年夏
四月己丑孔子卒四十二年王崩子仁立是爲元王史記
四十二年敬王崩皇
甫謚云四十四年崩

元王在位八年崩子介立是爲貞定王

貞定王亦曰定王十六年三晉滅智伯分其地二十八年王

崩太子去疾立是爲哀王

成化十年 史部重刊 通志三王紀卷第三下 三二

哀王在位三月弟叔襲殺哀王而自立是爲思王

思王在位五月少弟嵬攻殺思王而自立是爲考王嵬一作嵬

此三王皆定王之子也

考王即位封其弟于河南是爲桓公以續周公之職號
西周桓公桓公卒子威公立威公卒子惠公立惠公卒
子武公立武公生共太子早死立公子咎爲太子初惠
公有二子封其少子於鞏以奉王號東周惠王十五年
崩子午立是爲威烈王

威烈王二十三年九鼎震或作二十一年王命晉大夫韓趙魏

為諸侯二十四年王崩子驕立是為安王

驕一作龍

安王十六年初命齊太公田和為諸侯二十三年齊康公薨田氏遂篡齊而絕其祀二十六年韓哀侯滅鄭韓趙魏共廢晉靖公為家人三分其地晉是以不祀王崩子喜立是為烈王

烈王亦曰夷

二年周太史儋見秦獻公曰始周與秦國

合而別別五百載復合

周孝王封秦仲為附庸是與周別自秦仲至孝公五百年孝公

疆大周顯王入秦致伯是復合也

合十七歲而霸王者出焉

秦武王昭襄王皆霸王

至始皇而王天下

十七年王崩弟扁立是為顯王

成化十年

通志三王紀卷第三下

三十一

顯王亦曰顯聖王

五年秦獻公敗三晉于石門斬首六萬天

子錫以黼黻九年致文武胙于秦孝公十六年齊威王

最疆始稱王以號令天下二十五年秦孝公會諸侯朝

周二十六年天子致伯于秦孝公三十三年賀秦惠王

即位魏惠王卑禮厚幣招賢鄒衍淳于髡孟軻之徒皆

至三十五年致文武胙於秦惠王蘇秦說燕與趙合從

以拒秦三十六年蘇秦說趙肅侯請六國合從以拒秦

蘇秦相六國為從約長張儀入秦秦惠文王以為客卿

三十七年秦使犀首期齊魏共伐趙趙以責蘇秦蘇秦

去趙而從約皆解四十一年張儀說魏王盡以上郡十五縣入于秦秦以張儀為相四十四年秦惠文王始稱王其後諸侯皆為王四十八年王崩子定立是為慎靚王

慎靚王

亦曰順靜王

三年趙楚韓魏燕共伐秦攻函谷關不

勝皆敗走四年張儀復相秦敗韓趙兵于脩魚斬首八萬諸侯震恐六年王崩子延立是為赧王

赧王之時東西周分治赧王復居王城號西周周桓公之孫惠公居洛陽為東周或言趙成侯八年成侯與韓

三百甲子五

通志三王紀卷第三下

三五

分周以為兩赧王雖居天子之位為諸侯所侵與家人無異多負於人無以歸之乃止臺逃避周人名其臺曰逃債臺八年東周與西周戰韓救西周或為東周說韓王曰西周故天子之國多名器重寶王案兵毋出可以

德東周而西周之寶必可盡矣

史記於此下闕文

後楚圍雍氏

韓徵甲與粟於東周君東周君恐召蘇代而告之代曰君何患於是臣能使韓毋徵甲粟又能為君得高都

周君曰子苟能請以國聽子代見韓相國曰楚圍雍氏

三月也今五月不能拔是楚病也今相國乃徵甲粟

於周是告楚病也相國曰善使者行矣代曰何不與周
高都相國大怒曰吾不賦甲與粟於周亦已多矣何故
與周高都邪代曰與周高都是周折而入韓也秦聞之
必大怒忿周即不通周使是以弊高都得完周也曷為
不與相國曰善果與周高都三十四年蘇厲謂周君曰
秦破韓魏扑師武扑一作北取趙蘭離石者皆白起
也是善用兵又有天命今將兵出塞攻梁梁破則周危
矣何不令人說白起曰楚有養由基者善射去陽葉百
步而射之百發百中觀者數千人皆曰善射有一夫立

三十七

通鑑三王紀卷第三十

三十六

其旁曰善可教射矣養由基怒釋弓撻劍曰客安能教
我射乎客曰吾非能教子支左誦右也夫去柳葉百步
而射之百發百中不以善息少焉氣衰力倦弓撥矢鉤
一發不中百發盡息今破韓魏扑師武北取趙蘭離石
者公之功多矣今又將兵出塞過两周倍韓攻梁一舉
不得前功盡棄公不如稱病而毋出五十九年秦取韓
陽城負秦西周恐乃倍秦與諸侯約從將天下銳師出
伊闕攻秦令秦毋得通陽城秦昭王怒使將軍摎攻西
周西周君奔秦頓首受罪盡獻其邑三十六口二萬秦

受其獻歸其君於周周君王赧卒

宋忠曰西周北

公周周民遂東

亡秦取九鼎寶器而遷西周公於豳

豳在洛陽南百

五十里梁後七年秦莊襄王滅東西周兩周皆入于秦

周是以不祀秦以其地為三川郡漢興九十有餘載天

子將封泰山東巡狩至河南求周苗裔封其後嘉三十

里地號曰周子南君比列侯以奉其先祀實武帝元鼎

四年也

右周之世起武王元年巳卯或曰戊寅至赧王五十

九年乙巳三十一世三十七至八百六十七年而亡

三

通鑑

卷

至謹按八百六十七年之間三百五十二年為西周

五百十五年為東周也又按四百年在春秋前二百

四十二年在春秋內二百二十五年在春秋後合八

百六十七年

三五紀第三下

通鑑三下

秦紀第四

通志四

秦

臣謹按秦起於皐陶皐陶生伯益父子俱佐舜有功分土賜姓然後子孫蕃庶或於許或於英或於六至春秋而國祀猶存者德之所逮也由伯益至非子始號秦邑由非子至襄公始建國為諸侯司馬遷曰秦之先高陽氏之苗裔孫曰女脩女脩織玄鳥墮卵而吞之生大業大業娶少典之子曰女華生大費與禹平水土有功舜賜以阜游曰爾後必大乃妻以姚姓

三十八

通志秦紀卷第四

陳丁六

之玉女大費拜受佐舜調馴鳥獸鳥獸多馴服是為禘翳舜賜姓嬴氏然玄鳥墮卵之言恐因生商之事而訛也按地里志秦之先伯益助禹治水為舜虞官養草木鳥獸賜姓嬴禘翳即伯益音訛字異耳况少典在黃帝之前至大業六世猶娶其女乎遷之此言未可信也大費生二子一曰太廉實鳥俗氏二曰若木實費氏若木之玄孫費昌去夏歸商為湯御以敗桀於鳴條太廉之玄孫曰孟戲仲衍鳥身人言帝太戊聞而卜之使御吉遂妻之自太戊以下仲衍之後

逐世有佐商之功嬴姓多顯其玄孫曰仲滴在西戎保西垂生蜚廉蜚廉生惡來革惡來有力羊裂虎兕蜚廉善走父子俱以材力事紂武王伐紂殺惡來是時蜚廉為紂作石棺於北方還無所報為壇霍太山而報得石棺銘曰帝令處父不與商亂賜爾石棺以華氏死遂葬於霍太山今晉州霍邑有此冢常祠之蜚廉之子季子曰季勝生子孟增孟增幸於周成王是為宅皐狼皐狼生衡父衡父生造父造父以善御幸於周穆王得驥溫驅驪駢騄耳之駟穆王八駿皆因其毛西巡

三子鼎六
西千九

通志秦紀卷第四

二

陳一六

狩樂而忘歸徐偃王作亂造父為穆王御長驅歸周以救亂穆王以趙城封造父由此為趙氏自蜚廉生季勝以下五世至造父別居趙趙衰其後也惡來之子曰女防生旁皐旁皐生太几太几生大駱大駜生莽子

秦非子始以造父之寵蒙趙城姓趙氏居犬丘今槐里也好馬及上而善養息之周孝王召使主馬于汧渭之間馬大蕃息以王欲以非子為大駱適嗣大駱娶申侯之女生成為也申侯言於孝王曰昔我先驪山之女為戎胥軒

妻生仲滿以親故歸周保西垂西垂以睦今我復與大
駱妻生適子成申駱重婚西戎皆服所以為王室也王
其圖之孝王曰昔栢翳為舜主畜畜多息故有土賜姓
嬴今其後亦為朕息馬朕其分土為附庸邑之秦天水隴西
縣舊有秦亭使復續嬴氏祀號曰秦嬴亦不廢大駱之適以
和西戎秦嬴生秦侯秦侯立十年之生公伯公伯立三
年卒生秦仲

秦仲三年周厲王無道西戎叛王宐魏大駱之族于犬
丘宣王即位乃以秦仲為大夫討西戎為戎人所殺秦

仲立二十三年死於戎難

莊公者秦仲之長子也秦仲有子五人宣王俱召之而
授以兵七千人使伐西戎破之復其元大駱地宣王以
莊公為西垂大夫居故犬丘生三子及子世父曰戎殺
我大父我非殺戎王不敢入邑讓其也襄公為太子自
將兵擊西戎莊公立四十四年卒

襄公二年戎圍犬丘世父擊之為戎所虜歲餘復歸
世父七年西戎犬戎與申侯伐周殺幽王驪山下襄公
救周有功周避犬戎難東徙洛邑襄公以兵送周平王

王封襄公為諸侯賜之岐以西之地曰我為不道侵我岐豐秦能逐戎即有其地與誓封爵之襄公於是始建國與諸侯通使聘享之禮乃用駟駒黃牛羝羊各三祠上帝西時年表云西時祠白帝十二年伐戎至岐立葬西垂子文公立

文公三年以兵七百人東獵四年至西渭之會曰昔周邑我先秦嬴於此卒為諸侯乃卜居之吉即營而邑之

十年初為廊時鄰屬馮翊用三宰十三年初有史以紀事十

六年公伐戎戎敗走於是取眉餘民略地至岐歧以東

獻之周十九年得陳寶二十年法初有三族之罪二十

七年伐南山大梓豐大特今武都故道有怒特祠圖大本有牛從樹中出

後見於豐水之中四十八年太子卒謚靖公五十年文公卒葬

西山西山在今隴西之西縣靖公子立是為靈公

寧公二年徙居平陽徐廣曰鄆之平陽亭遣左伐蕩社三年與亳

戰亳王奔戎遂滅蕩社亳蕩舊都也名蕩社也四年

魯公子翬弒其君隱公十二年伐蕩氏取之寧公或作憲公

生十歲立立十二年卒葬西山有子三人長武公為太

子次德公德公母弟出子公之卒也大庶長弗忌威壘

參父等共廢太子而立出子為君

出子六年參父等復令人賊殺出子出子生五歲立立六年遇害參父等乃復立故太子武公

武公元年代彭戲氏至于華山下居平陽封宮三年誅

三庶長夷三族以其殺出子故也十年伐邾冀戎初縣

之邾屬隴西十一年初縣杜鄭京兆在杜縣鄭縣滅小虢虢在雍州

十三年齊管至父連稱等弑其君襄公而立公孫無知

雍廩殺無知管至父等而立桓公十九年晉曲沃伯始

為晉侯齊桓公會于鄆始伯諸侯二十年卒葬雍平陽

大三百七
小四十四

通志秦紀卷第四

五

或曰葬宣陽聚東南初以人從死蓋六十有六人焉子

白不立封平陽立其弟德公

德公元年初居雍城雍今鳳翔治大鄭宮以犧三百牢祠廊

時卜居雍後子孫飲馬於河梁伯芮伯來朝二年初伏

周時無伏至此乃有以狗禦蠱謂初作伏祠社德公生三十三歲

而立立二年卒葬咸陽三子長宣公次成公季穆公

宣公居陽宮初志閏月元年衛燕伐周出惠王立王子

頹三年鄭虢殺子頹入惠王四年作密時十二年卒有

子九人莫適立立其弟成公

成公元年梁伯芮伯來朝齊桓公伐山戎次于孤竹四年卒葬陽有子七人莫適立立其弟穆公

穆公任好元年自將伐茅津勝之四年逆婦于晉晉太子申生姊也其歲齊桓公伐楚至召陵五年晉獻公滅虞虢虜虞君與其大夫百里奚以爲秦穆夫人勝於秦百里奚亡秦走宛楚郈人執之穆公聞其賢欲重贖之恐楚不與乃使人謂楚曰吾媵臣百里奚在焉請以五羖羊皮贖之楚人遂與之時百里奚年七十餘穆公釋其囚與語國事謝曰亡國之臣何足問穆公曰虞君不

用子故亡非子罪也語三日穆公大說授以國政號曰五羖大夫百里奚讓曰臣不及臣之交蹇叔蹇叔之賢世莫之知臣嘗游困於齊乞食鮐人蹇叔收臣臣因欲事齊君無知蹇叔止臣臣得脫齊難遂之周王子頽好牛臣以養牛干之及頽欲用臣蹇叔止臣臣去得不誅事虞君蹇叔止臣臣知虞君不用臣臣誠私利祿爵且留再用其言得脫一不用及虞君難是以知其賢於是穆公使人厚幣迎蹇叔以爲上大夫或言禽息薦百里奚不見納穆公出禽息當車以頭擊闌腦乃播山穆公感

悟而用百里奚秋穆公自將伐晉戰於河曲晉驪姬作亂太子申生死焉公子重耳夷吾出奔九年齊桓公會諸侯于葵丘晉獻公卒荀息立驪姬之子奚齊里克殺之又立卓子又殺之夷吾請於秦以求入晉穆公許之使百里奚將兵送之夷吾曰誠得立請割河西八城與秦及已立乃背約十二年晉饑請糴于秦秦以百里奚公孫支之言與之粟十四年秦饑請糴于晉以魏射之言遂閉之糴十五年晉惠公夷吾因秦飢伐之戰於韓穆公爲晉君所圍於姜岐下食馬者三百人馳冒晉軍

晉圍解遂脫穆公而反生得晉君初穆公亡善馬岐下野人共得而食之者三百餘人吏逐得欲法之穆公曰君子不以畜產害人吾聞食善馬肉不飲酒傷人乃皆飲之酒而赦之故三百人報食馬之德穆公既獲晉君將以祠上帝穆公夫人夷吾姊也衰絰跣行而請乃赦之既而歸晉君晉乃獻河西之地而使太子圉爲質於秦是時秦地東至河十八年齊桓公卒二十年秦滅梁芮晉太子圉逃歸晉二十一年晉惠公卒子圉立是爲懷公秦怨子圉亡去乃迎公子重耳於楚入之晉二十

四年重耳立是爲文公文公殺子圉二十五年秦晉合
與入周襄王二十八年晉文公敗楚於城濮三十年穆
公助晉圍鄭鄭使人言於穆公曰亡鄭厚晉於秦何利穆
公乃罷兵歸晉亦罷三十二年晉文公卒鄭人有賣鄭
於秦曰我主其城門鄭可襲也穆公問蹇叔百里奚對
曰徑數國千里而襲人未聞可也穆公曰吾已決矣遂
發兵使百里奚之子孟明視蹇叔之子西乞術及白乙
丙將兵行明年春秦兵遂東鄭有備遂戒滑滑晉邊邑
也是時晉文公未葬襄公遂墨衰經發兵遮秦兵於殽

擊之大破秦軍無一人得脫者虜秦二將以歸晉文公
夫人秦穆公之女也爲秦三囚將請乃得歸穆公素服
郊迎嚮三人哭曰孤以不用百里奚蹇叔言以辱三子
三子何罪乎皆復其位三十四年楚太子商臣弒其父
成王代立穆公使孟明視等將兵伐晉戰于彭衙秦不
利引兵還戎王使由余於秦由余其先晉人也能晉言
聞穆公賢故使之觀秦秦穆公示以宮室積聚由余曰
使鬼爲之則勞神矣使人爲之亦苦民矣穆公怪之問
曰中國以詩書禮樂法度爲政然尚時亂今戎夷無此

何以爲治由余笑曰此乃中國所以亂也夫自上聖垂
帝作爲禮樂法度身以先之僅以小治及其後世日以
驕滯阻法度之威以督責於下下罷極則以仁義怨望
於上上下上交爭怨而相篡弑至於滅宗皆以此類也夫
戎夷不然上含淳德以遇其下下懷忠信以事其上一
國之政猶一身之治不知所以治此真聖人之治也穆
公退而問內史廖曰孤聞鄰國有聖人敵國之憂也今
由余賢寡人之害奈何廖曰戎王居僻匿未聞中國之
聲君試遺其女樂以奪其志爲由余請以疏其間留而

莫遣以失其期戎王必疑由余君臣有間乃可虜也穆
公曰善因與由余曲席而坐傳器而食問其地形與其
兵勢盡察其後令內史廖以女樂二八遺戎王戎王受
而說之終年不還於是秦乃歸由余由余數諫不聽穆
公又數使人間要由余由余遂去降秦穆公以客禮禮
之問伐戎之形三十六年穆公益厚孟明等三將復使
伐晉渡河焚舟大敗晉人取王宮及鄔以報殺之役晉
人皆城守不敢出於是穆公乃自茅津渡河封殺中尸
爲發喪哭之三日乃誓於渾曰嗟士卒聽無諱予誓告

汝古之人謀黃髮番番則無所過以申思不用蹇叔百里奚之言故作此誓以記余過君子聞之皆為垂涕曰嗟乎秦穆公之與人周也卒得孟明之慶三十七年秦用由余之謀伐戎益國十二開地千里遂霸西戎天子使召公過賀穆公以金鼓三十九年穆公卒葬雍皇覽曰秦穆公冢在橐泉宮祈年觀下從死者百七十七人秦之良臣子輿氏之子三人曰奄息仲行鍼虎與焉秦人哀之為賦黃鳥穆公之子四十人太子瑩立是為康公

康公居雍高寢十二年卒葬均社子共公立

四十八小十九

通志秦紀卷第四

十一

共公居雍高寢三年楚彊大莊王北兵至洛問周鼎輕重五年卒葬康公南子桓公立

桓公居雍太寢七年楚莊王服鄭敗晉師于河上是時楚霸會諸侯而盟二十七年卒葬義里北子景公立

景公居雍高寢是時晉悼公為盟主三十九年楚靈王為盟主會諸侯于申四十年卒葬丘里南子哀公立

哀公或作畢公八年楚公子棄疾弒靈王自立是為平王十

一年平王為太子建娶秦女女好遂自娶之十五年楚平王欲誅建建亡伍子胥奔吳三十一年吳王闔閭與

伍子胥伐楚楚王亡奔隨吳遂入郢楚知大夫申包胥焚
告急七日不食日夜哭於秦庭哀公怒發兵五百乘救楚
敗吳師楚昭王乃復入郢哀公三十六年卒葬車里北
太子夷公早死立夷公之子是為惠公

惠公元年魯侯會齊侯于夾谷孔子行相事齊人歸魯
鄆謹龜陰之田十年惠公卒葬車里東其子悼公立

悼公二年齊田乞弒其君孺子立其兄陽生為悼公六
年齊人弒悼公立其子簡公九年晉定公與吳王夫差
會盟于黃池爭長吳人曰於同室我為長晉人曰於姬

三十四年

通七、秦紀卷第四

十一

姓我為伯乃先晉人吳疆陵中國六月越入吳十年齊
田恒弒簡公立其弟平公是歲魯西狩獲麟十二年孔
子卒十四年悼公卒葬僖公西城雍子厲共公立或作
刺龔

厲共公二年蜀人來納賂十六年灑河旁以兵二萬伐

大荔取其王城

臨晉有王城

二十一年初縣頻陽

在馮

晉取

武成二十四年晉韓趙魏共殺智伯分其地三十三年
伐義渠虜其王三十四年厲共公卒葬入星子躁公立
躁公居受寢二年南鄭反十三年義渠來伐至渭南十

四年躁公卒葬悼公南立其弟懷公

懷公四年度長鼫與大臣圍公公自殺葬櫟圍氏太子

昭子早死立昭子之子靈公或作肅靈公

靈公居涇陽十三年城籍姑或曰靈公享國十年卒葬

悼公西子獻公不得立立靈公季父悼子是為簡公

簡公昭公之弟而懷公子也從晉來六年令吏初帶劍

漸洛城重泉十六年公卒或云享國十五年葬僖公西

子惠公立

惠公十三年伐蜀取南鄭或葬陵園子出子立

通志秦紀卷第四

出子二年庶長改迎靈公之子獻公于河西而立之殺

出子及其母沈之淵旁秦以數易君君臣乖亂故晉復

疆奪秦河西地

獻公元年止從死二年城櫟陽徙都之今萬年縣十一年周

太史儋見獻公曰周故與秦國合而別別五百歲復合

合七十七歲而霸王出六年桃李花十八年雨金櫟陽

二十一年與晉戰于一門斬首六萬天子賀以黼黻二

十三年與晉魏戰于少梁虜其將公孫痤二十四年獻

公卒葬躡圍子孝公立

孝公元年河山以東疆國六齊威楚宣魏惠燕悼韓哀
趙成侯並淮泗之間小國十餘楚魏與秦接界魏築長
城自鄭濱洛以北有上郡楚自漢中南有巴黔中周室
微諸侯力政秦僻在雍州不與中國諸侯之會盟夷翟
遇之孝公於是布德惠賑孤寡招戰士明功賞下令國
中曰昔我穆公自岐雍之間修德行武東平晉亂以河
爲界西霸戎翟廣地千里天子致伯諸侯畢賀爲後世
開業甚光美會往者厲蹠簡公出子之不寧國家內憂
未遑外事三晉攻奪我先君河西地諸侯卑秦醜莫大

焉獻公即位鎮撫邊境徙治櫟陽且欲東伐復穆公之
故地脩穆公之政令寡人思念先君之意常痛於心賓
客群臣有能出奇計彊秦者吾且尊官與之分土於是
乃出兵東圍陝城斬戎之獮王衛鞅聞是令下西入秦
因景監求見孝公二年天子致胙三年鞅說孝公變法
脩刑內務耕稼外嚴戰死之賞罰孝公善之甘龍杜摯
等拂然相與爭之卒用鞅法百姓苦之居三年百姓便
之乃拜鞅爲左庶長七年與魏惠王會杜平八年與魏
戰元里有功十年鞅爲大良造將兵圍魏安邑降之十

二年作為咸陽兼冀闕秦徙都之并諸小鄉聚集為大

縣縣一令

漢書百官表曰縣令長皆秦官萬戶以上為令秩千石至六百石減萬戶為長秩五百石

至三百石皆有丞尉

四十一縣為田開阡陌東地渡洛十四年初

為賦十九年天子致伯二十年諸侯畢賀秦使公子少

官率師會諸侯于逢澤朝天子二十二年衛鞅擊魏虜

魏公子卬封鞅為列侯號商君孝公卒或曰孝公十三

年始都咸陽享國二十四年卒弟圉子惠文君立初鞅

為秦行法法不行太子犯禁鞅曰法之行自貴戚始君

欲必行法莫先於太子太子不可黥黥其傅師於是無

大三 四十一

通志秦紀卷第四

十四

敢犯者秦人以治及孝公卒太子立宗室多怨鞅鞅亡

因以為反而卒車裂以徇秦國

惠文君元年楚韓趙蜀人來朝二年天子賀三年王冠

四年天子致文武胙五年陰晉人犀首為大良造六年

魏納陰晉七年公子卬與魏戰虜其將龍賈斬首八萬

八年魏納河西地九年渡河取汾陰皮氏與魏王會應

圍焦降之十年張儀相秦魏納上郡十五縣十一年縣

義渠歸魏焦曲沃義渠君為臣十二年初臘十三年四

月戊午始稱王魏韓皆為王十四年更為元年二十二年韓

魏太子來朝張儀相魏七年樂池相秦韓趙魏燕齊帥
匈奴共攻秦使庶長疾與戰于脩魚虜其將申差斬首
八萬八年張儀復相秦九年司馬錯伐蜀滅之伐取趙
中都西陽十年韓太子來質伐取韓石章伐敗趙將泥
伐取義渠二十五城十一年擄里疾攻魏焦降之敗韓
岸門斬首萬公子通封於蜀十二年王與梁王會臨晉
庶長疾攻趙虜趙將莊十三年庶長章擊楚於丹陽虜
其將屈丐斬首八萬又攻楚漢中取地六百里置漢中
郡十四年代楚取召陵丹犁臣蜀相壯殺蜀侯來降惠

三言六

通志卷第四

十五

王卒或曰惠文王享國二十七年卒葬公陽子武王立
武王元年與魏惠王會臨晉誅蜀相壯張儀魏章皆東
出之魏伐義渠丹犁二年初置丞相以擄里疾甘茂爲
左右丞相張儀死於魏三年與韓襄王會臨晉外擄里
疾相韓武王謂甘茂曰寡人欲容車通三川窺周室死
不恨矣其秋使甘茂庶長封伐宜陽四年拔之斬首六
萬涉河城武遂魏太子來朝王有力好戲力士任鄙烏
獲孟說皆至大官王與孟說舉鼎絕膺八月武王死族
孟說鼎者龍文赤鼎也或曰武王享國四年葬永陵武

王取魏女為后無子立異母弟瑕為昭襄王

昭襄王母曰宣太后楚芊氏也武王死時昭襄王為質於燕燕人送歸得立宣太后弟魏冉自惠文王時用事力能立王元年王以冉為將軍衛咸陽嚴君集為相甘茂出之魏二年彗星見庶長壯與大臣諸公子謀為亂魏冉誅之王年少太后臨朝冉任政封穰侯三年王冠與楚王會黃棘與楚上庸四年取蒲坂彗星見五年魏王來朝應亭復與魏蒲坂六年蜀侯煇反司馬錯定蜀庶長奐伐楚斬首三萬日食晝晦七年拔新城樗里疾

前曆十七年

通志秦紀卷第四

十一

監生
三百八十四

吳

卒魏冉為相八年使將軍芊戎攻楚取新市九年孟嘗君薛文來相秦奐攻楚取八城殺其將景快十年楚懷王不用昭睢言而會秦王至咸陽朝章華臺如蕃臣禮因留之薛文以受金免樓緩為丞相十一年齊韓魏趙宋中山五國共攻秦至鹽氏而還秦與韓魏河北及封陵以和楚懷王亡歸秦遮楚道乃之趙趙不敢納欲走魏秦追及之以歸懷王發病死楚人憐之諸侯不直秦十二年樓緩免穰侯魏冉為相予楚粟五萬石十三年向壽伐韓取武始左更白起攻新城任鄙為漢中守十

四年左更白起將兵大破韓魏之師于伊瀾斬首二十四萬虜公孫喜拔五城十五年白起爲大良造將兵攻魏取垣復予之攻楚取宛十六年左更錯取軹及鄧毋免封毋陶爲諸侯十七年魏入河東地四百里韓入武遂地二百里東周君來朝十八年客卿錯伐魏至軹取城大小六十一十九年王爲西帝齊爲東帝皆復去之二十一年司馬錯攻魏魏獻安邑及河內秦出其人募徙河東賜爵赦罪人遷之二十二年蒙武伐齊取列城九與楚王會宛與趙王會中陽二十三年尉斯離與三

言燕伐齊破之濟西三與魏王會宜陽與韓王會新城二十四年與楚王會壽又會穰魏毋免相二十五年拔趙二城與韓王會新城與魏王會新明邑二十六年赦罪人遷之穰侯免復相二十七年白起攻趙取代光狼城司馬錯攻楚黔中拔之二十八年大良造白起攻楚取鄢鄧赦罪人遷之二十九年白起攻楚取郢爲南郡楚王走王與楚王會襄陵白起爲武安君三十年蜀守若伐取巫郡及江南爲黔中郡三十一年白起伐魏取兩城楚人反我江南三十二年穰侯攻魏至大梁破暴

爲斬首四萬爲走魏入三縣請和三十三年客卿胡傷
攻魏卷蔡陽長社取之擊芒卯華陽破之斬首十五萬
魏入南陽以和三十五年初置南陽郡三十七年客卿
竈攻齊取剛壽滅義渠以范雎爲客卿三十八年中更
胡傷攻趙閼與不能取四十一年夏攻魏取邢丘懷廢
宣太后逐穰侯以范雎爲丞相封應侯四十二年安國
君爲太子宣太后薨葬芷陽酈山四十三年武安君白
起攻韓拔九城斬首五萬四十四年攻韓南郡取之四
十五年五大夫賁攻韓取十城四十七年秦攻韓上黨

上黨降趙秦因攻趙趙發兵擊秦相距秦使武安君白
起大破趙於長平殺趙括阼趙降卒四十餘萬人四十
八年十月韓獻垣雍秦分三軍武安君歸王齕將伐趙
武安皮牢拔之司馬梗北定太原盡有韓上黨又使五
大夫陵攻趙邯鄲四十九年以王齕代陵將五十年武
安君白起有罪誅齕圍邯鄲不拔走還初作河橋五十
一年將軍摎攻趙取二十餘縣首虜九萬西周君背秦
與諸侯約從將天下銳兵出伊關攻秦秦使將軍摎攻
西周西周君走來自歸盡獻其邑秦受其獻而歸其君

於周五十二年取周九鼎寶器以入于秦周初亡應侯
免以蔡澤相五十三年天下來賓魏後秦使摎伐魏取
吳城魏委國聽令五十四年郊見上帝於雍立五十六
年秋昭襄王卒葬芷陽子安國君柱立是為孝文王
孝文王立尊唐八子為唐太后八子者妾媵之號而合葬於先
王初華陽夫人無子呂不韋說令立夏姬之子子楚為
嗣以自託華陽夫人從之及孝文王即位子楚為太子
孝文王除喪十月己亥即位三日辛丑卒或云享國一
年卒葬壽陵太子子楚立是為莊襄王

莊襄王元年大赦罪人修先王功臣施德澤厚骨肉而
布惠於民以呂不韋為相國封文信侯食河南十萬戶
初呂不韋為賈人問其父曰商賈之利幾倍父曰十倍
田蠶之利幾倍父曰百倍販國賣君幾倍父曰無倍數
後不韋賈邯鄲見子楚為質於趙曰此奇貨也可居時
子楚居處困不得志不韋乃進五百金與子楚復以五
百金為西說華陽夫人故得為嗣不韋有愛姬子楚慕
之妾謂不韋曰妾始有孕而人未知公若以妾獻子楚
畢而生男即公之子為秦王也不韋從而獻之以秦昭

王四十八年正月生始皇於邯鄲子楚後歸秦及孝文
王薨遂即位東周君與諸侯謀秦秦使呂不韋誅之盡
入其國秦不絕其祀以陽人死賜周君奉其先祀陽人今汝
南之梁使蒙騫伐韓韓獻成臯鞏秦界至大梁初置三
縣也川郡二年蒙騫攻趙定太原三年蒙騫攻魏高都汲拔
之攻趙榆次新城狼孟取三十七城四月日食四年王
齧攻上黨初置太原郡魏將無忌率五國兵攻秦秦却
於河外蒙騫敗解而去五月王卒或云享國三年薨蒞
陽太子政立是為始皇帝

萬曆十七年

通志秦紀卷第四

二十

世生高樞

臣謹按太史公曰秦之先為嬴姓其後分封以國為
姓有徐氏郟氏莒氏終黎氏運奄氏莒裘氏將梁氏
黃氏江氏脩魚氏白冥氏蜚廉氏秦氏秦以其先造
父封趙城為趙氏然徐郟莒江黃秦趙以國為氏者
終黎莒裘以邑為氏者蜚廉以名為氏者司馬遷不
通姓氏學皆謂以國為姓况此皆氏也不可以言姓
姓則嬴也

始皇帝名政虎口日角大目長八尺六寸年十三即位
壬午尚少國事皆決於大臣呂不韋為相李斯為舍人

蒙騫王齟庶公等為將軍當

此時秦地已并巴蜀漢中

越宛有郢置南郡矣北收上郡以東有河東太原上黨

郡東至滎陽滅二周置三川郡宮不韋招賓客致游士

欲以并天下二年庶公將卒攻卷斬首三萬二年蒙騫

攻韓取十二城王齟死蒙騫攻魏四年拔二城十月庚

寅蝗從東方來蔽天天下疫民內粟千石拜爵一級五

年蒙騫攻魏取二十城初置東郡冬雷六年諸侯患秦

攻伐不已韓魏趙衛楚五國共合以秦春申君為從長至

函谷秦出兵擊之五國皆敗走秦遂伐魏取朝歌拔衛

三百五十六

通志秦紀卷第四

二十一

君也

濮陽衛君角率其支屬從居野王阻山以保魏之河內

七年彗星先出東方見北方五月見西方夏太后死八

年呂不韋舍人嫪毐有寵太后封以太原為長信侯與

山陽地令毒居之宮室車馬衣服死圍馳獵恣毒事無

大小皆取決焉九年彗星見或竟大攻魏垣蒲陽四月

上宿雍巴酉王冠帶劍時年二十三嫪毐事覺作亂矯

王御璽太后璽發縣卒及衛卒官劾戎翟君公舍人將

攻蘄年宮

宮在雍

王知之令相國昌平君發卒攻毒戰咸

陽毒敗走捕得毒等二十人皆梟自車裂以徇滅其宗

及其舍人輕者為鬼薪

取薪給宗廟也律曰鬼薪作二歲

及奪爵遷蜀

四千餘家家房陵遷太后于雍四月寒有凍死者楊端和攻衍氏彗星見西方又見北方從斗以南八十日十年相國呂不韋坐嫪毐免相桓齮為將軍齊趙來置酒齊人茅焦說王曰秦方以天下為事而大王有遷母之名恐諸侯聞之由此倍秦也王乃迎太后於雍入咸陽復居甘泉宮立茅焦為傅爵之上卿太后大悅曰安秦社稷使妾母子相見者茅君之力也大索逐客李斯上書乃止斯因說秦王請先取韓以恐他國乃使斯下韓

大二百七十一

通志秦紀卷第四

二十一

韓王患之與韓非謀弱秦大梁人尉繚來說秦王曰以秦之彊諸侯譬如郡縣之君臣仁恐諸侯合從翕而出不意此乃智伯夫差湣王之所以亡也願大王毋愛財物賂其豪臣以亂其謀不過亡三十萬金則諸侯可盡王從其計見尉繚亢禮衣服飲食與繚同繚曰秦王為人蜂准長目顰鳥膺豺聲少心而虎狼心居約易出人下得志亦輕食人我布衣也然見我常身自下我誠使秦王得志於天下天下皆為虜矣不可與久游乃亡去秦王覺固止之以為秦國尉繚用其計策而李斯用事

十一年王翦桓齮楊端和攻鄴取九城王翦攻閔與撩陽取鄴安陽十二年呂不韋奪爵徙蜀飲鴆而死十三年桓齮攻趙平陽殺其將扈軻斬首十萬王之河南正月彗星見東方十四年桓齮攻趙取宜安平陽武城韓非使秦秦用李斯謀留非非死雲陽韓王請為臣十五年大興兵一軍至鄴一軍至太原取狼孟地動十六年韓獻南陽地初令男子書年魏獻地於秦秦置麗邑十七年內史騰攻韓得韓王安盡納其地為潁川郡地動華陽太后卒十八年大興兵攻趙十九年王翦羌虜盡

萬曆十七年

通志秦紀卷第四

二十三

監生潘季祖

大式

定趙地得趙王秦王之邯鄲諸嘗與王生趙時母家有仇怨者皆阬之王歸母太后崩趙公子嘉率其宗族數百人之代自立為代王東與燕合兵軍上谷二十年燕太子丹患秦兵且至乃使荆軻刺秦王不中體解軻以徇王翦辛勝攻燕破燕軍易水之西二十一年王賁攻薊乃益發卒詣王翦軍遂破燕太子軍取燕薊城燕王走保遼東斬太子丹之首以獻王賁伐楚取十餘城欲遂滅之王翦曰楚地廣民衆非六十萬人不可王以為怯翦謝病老歸二十二年王賁伐魏引河溝灌大梁城

魏王假降殺之而盡取土地二十三年復召王翦彊
赴之使將六十萬人擊楚取陳以南至平輿楚悉兵以
連王翦閉壘不戰楚引兵而東乃追擊大破之至蘄南
殺其將項燕翦乘勝略定楚地虜楚王負芻二十五年
使王賁伐遼東虜燕王喜還擊代虜代王嘉王翦遂定
楚江南地降越君置會稽郡五月天下大酺酺音蒲文
族師掌春秋祭酺為人凶災害之神蘇林二十六年將
曰陳留俗三月上巳曰水上飲食為酺焉軍王賁從燕南攻齊入臨淄王建降遂滅齊秦初并天
下令丞相御史曰異曰韓王納地効璽請為藩臣已而

三百五十八
小四

通志卷第四

二十四

倍約與趙魏合從畔秦故與兵誅之虜其王趙王使其
相李牧來約盟故歸質子已而倍盟反我太原故與
兵誅之得其王趙王子嘉乃自立為代王故舉兵擊滅
之魏王始約服入秦已而與韓趙謀襲秦秦兵吏誅逐
破之楚王獻青陽以西已而畔約擊我南郡故發兵誅
得其王遂定楚也燕王昏亂其太子丹乃陰令荊軻為
賊兵吏誅滅其一齊王用后勝計絕秦使欲為亂兵吏
誅虜其王平齊齊人以眇眇之身與兵誅暴賴宗廟
之靈六王咸齊王夫天下大定今名號不更無以稱成

功傳後世其議帝號丞相縮御史大夫劫廷尉斯等皆
曰昔者五帝地方千里其外侯服夷服諸侯或朝或否
天子不能制今陛下興義兵誅殘賊平定天下海內為
郡縣法令由一統自上古以來未嘗有五帝所不及臣
等謹與博士議曰古有天皇有地皇有秦皇秦皇最貴
臣等昧死上尊號王為秦皇命為詔天子自稱
曰朕王曰去泰著皇采上古帝位號號曰皇帝他如議
制曰可下有司曰制天子答之曰可追尊莊襄王為太上皇制曰朕
聞太古有號焉謚中古有號死而以行為謚如此則子

三十五

通志秦紀卷第四

二十五

議父臣議君也甚無謂朕弗取焉自今已來除謚法朕
為始皇帝後世以數計二世三世至于萬世傳之無窮
始皇推終始五德之傳以為周得火德秦代周德從所
不勝方今水德之始改年始朝賀皆自十月朔衣服旌
旄節旗皆尚黑數以六為紀符法冠皆六寸而輿六尺
乘六馬六尺為步譙周曰步以八尺為數非獨秦制然更名河曰德水以
為水德剛戾事皆決於法刻削毋仁恩和義然後合五
德之數於是急法久者不赦丞相縮等言諸侯初破燕
齊楚地遠不為置王毋以填之請立諸子羣臣皆以為

便廷尉李斯議曰周文武所封子弟同姓甚衆然後屬
疏遠相攻擊如仇讎諸侯更相誅伐周天子弗能禁止
今海內賴陛下神靈一統皆為郡縣諸侯諸子弗能禁止
公賦稅重賞賜之甚足易制天下無異意則安寧之術
也置諸侯不便始皇曰天下共苦戰鬪不休以有侯王
賴宗廟天下初定又復立國是樹兵也而求其寧息豈
不難哉廷尉議是分天下以為三十六郡三十六郡者
陽南郡九江鄣郡會稽潁川碭郡泗水薛郡東郡琅邪
齊郡上谷漁陽右北平遼西遼東代郡鉅鹿邯鄲上黨
太原雲中九原鴈門上郡隴西北地漢中巴郡蜀
郡黔中長沙凡三十五處內史是為三十六郡

通志秦紀卷第四

二十六

守尉監守掌治郡尉佐守典武
禁暴監御史掌監郡更名民曰黔首大酺取

天下兵古者以
銅為兵聚之咸陽銷為鐘鐻音鑄金人十二重

各重千石置廷宮中一法度衡石丈尺車同軌書同文

宇地東至海暨朝鮮西臨洮南至北嚮戶開北戶
以向日北據

河為塞並音陰山至遼東徙天下豪富於咸陽十二萬

戶諸廟及章臺上林皆在渭南秦每破諸侯寫放其宮

室作之咸陽北阪上在長安西北漢
武帝別名渭城南臨渭自雍門以

東至涇渭殿屋複道周閣相屬所得諸侯美人鍾鼓以

充入之二十七年始皇巡隴西北地出雞頭山過回中

作信宮渭南已而更命信宮為極廟象天極自極廟道

通酈山作甘泉前殿築甬道築垣墻如街巷自咸陽屬之是歲

賜爵一級治馳道秦為馳道於天下東窮燕齊南極吳楚江湖之上濱海之觀畢至道廣五

十步三丈而樹厚築其外隱以金椎樹以青松二十八年始皇東行郡縣上鄒

嶧山立石與魯諸儒生議刻石頌秦德議封禪遂上秦

山立石封祠祀下風雨暴至休於樹下因封其樹為五

大夫禪梁父刻所立石乃並渤海以東過黃垂立石頌

秦德而去南登琅邪甚樂之留三月乃徙黔首三萬戶

琅邪臺下復十二歲作琅邪臺立石刻頌秦德明德意

萬曆十七年

通志秦紀卷四

二十七

助血生潘李祖四百一十一彭中

曰維二十六年皇帝作始端平法度萬物之紀以明人

事合同父子聖智仁義顯白道理東撫東土以省卒士

事已大畢乃臨于海皇帝之功勤勞本事上農除末黔

首是富溥天之下搏心揖志器械一量同書文字日月

所照舟輿所載皆終其命莫不得意應時動事是維皇

帝匡飭異俗陵水經地憂恤黔首朝夕不懈除疑定法

咸知所辟方伯分職諸治經易舉錯必當莫不如畫皇

帝之明臨察四方尊卑貴賤不踰次行姦邪不容皆務

貞良細大盡力莫敢怠荒遠邇辟隱專務肅莊端直敦

忠事業有常皇帝之德存定四極誅亂除害興利致福
節事以時諸產繁殖黔首安寧不用兵革此文不闕原
本重梓一段今削去後文接

六親相保終無寇賊驩欣奉教盡如法式六合之內皇
帝之土西涉流沙南盡北戶東有東海北過大夏人迹
所至無不臣者功蓋五帝澤及牛馬莫不受德各安其
宇維秦王兼有天下立名為皇帝乃撫東土至于琅邪
列侯武城侯王離列侯通武侯王賁倫侯建成侯趙亥倫
侯昌武侯成倫侯武信侯馮毋擇丞相隗林丞相王綰
卿李斯卿王戊五大夫趙嬰五大夫楊樛從與議於海
上曰古之帝者地不過千里諸侯各守其封域或朝或
否相侵暴亂殘伐不止猶刻金石以自為紀古之五帝

萬曆十七年

通志秦紀第四

又三十七

監生潘季祖
三百八十八影中

三王知教不同法度不明假威鬼神以欺遠方實不稱名故不久長其身未歿諸侯倍叛法令不行今皇帝并一海內以爲郡縣天下和平昭明宗廟體道行德尊號大成群臣相與誦皇帝功德刻于金石以爲表經既已齊人徐市等上書言海中有三神山名曰方丈蓬萊瀛洲仙人居之請得齋戒與童男女求之於是遣徐市發童男女數千人入海求仙人始皇還過彭城齋戒禱祠欲出周鼎泗水使千人浚水求之弗得乃西南渡淮水之衡山南郡浮江至湖山祠逢大風幾不得渡上問博

士曰湘君何神對曰堯之女舜之妻而葬此始皇大怒使刑徒二千人皆伐湖山之樹赭其山乃自南郡由武關歸二十九年始皇東游至陽武博浪沙中爲盜所驚求弗得令天下大索十日登之罘刻石其辭曰維二十九年時在中春陽和方起皇帝東游巡幸之罘臨照于海從臣嘉觀原念休烈追誦本紀大聖作治建定法度顯著綱紀外教諸侯光施文惠明以義理六國回辟貪戾無厭虐殺不已皇帝哀衆遂發討師奮揚武德義誅信行威燁旁達燁先善反莫不賓服其滅彊暴振救黔首周

定四極並施明法經綏天下永為儀則大矣哉宇縣之中承順聖意群臣誦功請刻于石表垂于常式其東觀曰維二十九年皇帝春游覽省遠方逮于泃隅遂登之果照臨朝陽觀望席麗從臣咸念原道至明聖法初興清理疆內外誅暴虐武威旁暢振動四極禽滅六王闡并天下當害絕息六復及兵皇帝明德經理宇內視聽不怠作立大義昭設備器咸有章旗職臣遵分各知所行事無嫌疑黔首咸化遠邇同度臨古絕亢常職既定後似循業長承聖澤群臣嘉德祇誦聖烈請刻之果旋

通志卷第四 五十八

遂之琅邪道上黨入二十一年無事二十一年徐廣曰此

日實十二月更名臘曰嘉平太原真人茅盈內紀曰始

曾祖父蒙於華山中嘉平龍上昇入太清時下玄州王

歌云神位得者茅初成赤城繼世而往在我若學之臘嘉平始皇聞謠歌

問其故父老具對云之術始皇欣然志於仙人之謠也因勸始皇求長生

尋仙遂改臘為嘉平行咸陽若微賤之行也與武士四人俱夜出逢盜蘭池見

窘武士擊殺盜關中大索二十日米石千六百三十二

年始皇之碣石使燕人盧生求羨門古仙也高誓刻碣石

門隋壞城郭決通隄時其辭曰遂興師旅誅戮無道為

逆滅息武殄暴逆文復無罪庶心咸復惠論功勞賞及
牛馬恩肥土域皇帝奮威德并諸侯初一泰平墮壞城
郭決通川防夷去險阻地勢既定黎庶無繇天下咸撫
男樂其疇女修其業事各有序惠被諸產又並來由莫
不安所群臣誦烈請刻此石垂著儀矩又使韓終侯公
石生求仙人不死之藥始皇巡北邊從上郡入燕人盧
生使入海還以鬼神事因奏錄圖書曰亡秦者胡也謂
亥始皇乃使將軍蒙恬發兵三十萬北擊胡略取河南
地三十三年發諸嘗通亡人贅墻賈人略取陸梁地為

桂林象郡南海以適徙民五十萬戍五嶺西北斥逐匈
奴自榆中並河之東屬之陰山為二十四縣城河上為
塞又使蒙恬渡河取高闕陶山北假中築亭障以逐戎
人徙適實之長城之役起臨洮至遼東延袤萬餘里暴
師十餘年三十四年適治獄吏不直者築長城及戍南
越地始皇置酒咸陽宮博士七十人前為壽僕射周青
臣百官表曰僕射秦官古者重武官有主射者以督課之僕主也進頌曰他時秦地不
過千里賴陛下神聖平定海內放逐蠻夷日月所照莫
不賓服以諸侯為郡縣人人自安樂無戰爭之患傳之

萬日古

進曰臣聞

陛下有海

拂何以相

臣面諛以重陛下之過非

曰五帝不相復三代不相襲各以治非相反也時變異

也今陛下創大業建萬世之功固非愚儒所知且越言

乃三代之事何足法也且時諸侯並爭厚招游學今天

下已定法令出一百姓當家則力農工士則學習法令

三百七十八

通志卷第四

三十一

辟禁諸生不師今而學古以非當世惑亂黔首丞相臣

斯時死言古者天下散亂莫之能一是以諸侯並作語

皆道古以害今飾虛言以亂實人善其所私學以非上

之所建立今皇帝并有天下別黑白而定一尊私學而

相與非法教人聞令下則各以其學議之入則心非出

則巷議夸主以為名異取以為高率群下以造謗如此

不禁則主勢降乎上黨與成乎下禁之便臣請史官非

秦記皆燒之非博士官所職天下有藏詩書百家語者

悉詣守尉雜燒之有敢尚語詩書棄市以古非今者族

天悅博士齊人淳于越

到子弟功臣百為枝輔今

卒有田恒六卿之臣無輔

能長久者非所聞也今青

吏見知不舉者與同罪令下三十日不燒黥為城旦

論決為髡鉗輸邊築長城晝日伺所不去者醫藥卜筮

種樹之書若欲有學法令以吏為師制曰可三十五年

除道道九原抵雲陽九原縣隸五原郡塹山堙谷千八

百里直通之於是始皇帝以為咸陽人多先王之宮廷

小吾聞文王都鄴武王都鎬鄴鎬之間帝王都也乃營

作朝宮渭南上林苑中先作前殿阿房東西五百步南

北五十丈上可以坐萬人下可以建五丈旗周馳為閣

道自殿下直抵南山表南山之顛以為闕為複道自阿

房渡渭屬之咸陽以象天極閣道絕漢抵營室也阿房

宮未成欲更擇令名名之作宮阿房故天下謂之阿

房宮隱宮徒刑者七十餘萬人分作阿房宮或作麗山

發北山石椁乃寫蜀荆地材皆至關中計宮三百關外

四百餘於是立石東海上胸界中以為秦東門因徙三

萬家麗邑五萬家雲陽皆復不事十歲廬生說始皇曰

臣等求芝竒藥仙者常弗遇類物有害之者方中人主

時為微行以辟惡鬼惡鬼辟真人至人主所居而人臣

知之則害於神真人者入水不濡入火不焚陵雲氣與

知

天地久長今上治天下未能恬淡願止所居宮毋令人知
然後不死之藥始可得也始皇曰吾慕真人自謂真人
不稱朕乃令咸陽之旁二百里內宮觀二百七十複道
甬道相連帷帳鍾鼓美人充之各案署不移徙行所幸
有言其處者罪死始皇幸梁山宮從山上見丞相車騎
衆弗善也中人或告丞相丞相後損車騎始皇怒曰此
中人泄吾語案問莫服詔捕諸時在旁者皆殺之是後
莫知行之所在聽事群臣受決事悉於咸陽宮侯生
盧生相與謀曰始皇爲人天性剛戾自用起諸侯并天

六三
百七十四
小

通志秦紀卷第四

三十一

下意得欲從以爲自古莫已及專任獄吏博士雖七十
人特備真弗用丞相諸大臣皆受成事倚辦於上樂以
刑殺爲威天下畏罪持祿莫敢盡忠上不聞過而日驕
下懾伏謾欺以取容秦法不得兼方不驗者輒死然候
星氣者三百人皆良士畏忌諱諛不敢端言其過天下
之事無大小皆決於上上至以衡石量書石百二日夜
有程不得休息貪於權勢至如此未可爲求仙藥乃止
去始皇聞亡乃大怒曰吾前收天下書不中用者盡去
之悉召文學方術士其衆文學欲以興太平方士欲以

練求竒藥今聞韓衆去不報徐而等費以巨萬計終不
得藥徒姦利相告日聞廬生等吾徒之甚厚今乃誅謗
以重吾不德也諸生在咸陽者吾使人廉問或為妖言
以亂黔首於是使御史悉案問諸生諸生傳相告引乃
自除犯禁者四百六十餘人皆阬之咸陽使天下知之
以懲後益發謫徙邊始皇長子扶蘇諫曰天下初定遠方
黔首未集諸生皆誦法孔子今上皆重法繩之臣恐天
下不安始皇怒使扶蘇北監蒙恬於上郡三十六年熒
惑守心有星墮于東郡至地為石黔首或刻其石曰始

三百七十四

通志卷之四

三十三

皇死而地分始皇聞之遣御史逐問莫服盡取石旁居
人誅之因燔銷其石始皇不樂使博士為仙真人詩及
行所游天下傳令樂人歌絃之秋使者鄭容從關東夜
過華陰平舒道有人素車白馬持璧遮使者曰吾華山
君願以此為吾遺瀉池君因言曰今年祖龍死祖人之先龍君
之使者問其故因忽不見置其璧去使者奉璧具以聞
始皇默然良久曰山鬼固不過知一歲事也退言曰祖
龍者人之先也使御府視璧乃二十八年行渡江所沈
璧也於是卜之卦得游徙吉二十七年十月始皇出游

左丞相斯從右丞相去疾守少子胡亥愛慕請從上許之十一月行至雲夢望祀虞舜於九疑山浮江下觀籍柯渡海渚過丹陽至錢唐臨浙江水波惡乃西百二十里從狹中渡在餘杭也因始皇至會稽經此立為縣上會稽祭大禹望于南海立石頌德還過吳從江乘渡並海上北至琅邪徐市等入海求仙藥數歲不得費多恐譴乃詐曰蓬萊藥可得然常為大鯨魚所苦故不得至願請善射與俱見則以連弩射之始皇夢與海神戰如人狀問占夢博士曰水神不可見以大魚鯨龍為候此惡神當除去而善

三百五十八

通志秦紀卷第四

三十四

神可致乃令入海者齎捕魚具而自以連弩候大魚出射之自琅邪北至榮成山弗見至之罘見巨魚射殺一魚遂並海西至平原津而病始皇惡言死群臣莫敢言死事上病益甚乃為書賜公子扶蘇曰與喪會咸陽而葬書已封在中車府令趙高行符璽事所未授使者七月丙寅崩於沙丘平臺在位三十七年年五十或云五十一沙丘云長安二千餘里趙有此沙丘宮在鉅鹿武靈王之死處丞相斯為上崩在外恐諸公子及天下有變乃秘之不發喪棺載輜涼車中故幸宦者參乘所至上食百官奏事如故宦者輒從

輶涼車中可其奏事獨胡亥趙高所幸宦者五六人知
上死趙高嘗教胡亥書及律令胡亥私幸之高乃與公
子胡亥丞相李斯陰謀破去始皇所封書賜扶蘇者而
更詐為丞相斯受遺詔立胡亥為太子車為書賜扶蘇
蒙恬罪數以罪賜死行從井陘抵九原會天大暑輶涼
車臭乃詔從官令車載一石鮑魚以亂其臭行從直道
至咸陽發喪胡亥襲位為二世皇帝九月葬始皇鄜山
始皇初即位穿治鄜山及并天下天下徒送詣七十餘
萬人穿三泉下銅銅作銅鑄塞而致樽宮觀百姓奇器珍怪

通志

秦紀卷第四

三十五

從藏滿之令匠作機弩矢有所穿近者輒射之以水銀
為百川江河大海機相灌輸上具天文下具地理以人
魚膏為燭魚似鮫度不滅者久之後宮非有子者皆
令從死死著甚眾或言工匠為機藏皆知之藏重即泄
大事畢已藏閉中羨下外羨門盡閉工匠藏者無復出者
樹草木以象山

臣謹按皇覽曰始皇墳高五十餘丈周回五里餘又
按太原真人茅盈內紀曰始皇三十一年九月庚子
盈曾祖父蒙乃於華山之中乘雲駕龍白日升天先

是其邑謠歌曰神仙得者茅初成駕龍上昇入太清
時下玄洲戲赤城繼世而往在我盈帝若學之臘嘉
平始皇聞謠而問其故父老具對此仙人之謠勸帝
求長生之術始皇欣然乃有尋仙之思因改臘曰嘉
平

又按始皇名爲政徐廣曰一作正宋忠云以正月旦
生故名正又按司馬遷云始皇姓趙氏此不違姓氏
之言也凡諸侯無氏以國爵爲氏其支庶無國爵則
稱公子公子之子則稱公孫公孫之子無所稱焉然

後以王父字爲氏或分邑者則以邑爲氏或言官者
則以官爲氏凡爲氏者不一今秦氏自非子得邑則
以秦邑爲氏及襄公封國則以秦國爲氏相傳至於
始皇亦如商周相傳至湯武豈有子湯姬發之稱乎
若趙氏者自造父獲封趙城爲趙氏其後微弱而邑
於晉則以趙邑爲氏及三分晉國則以趙國爲氏豈
有秦國之君而以趙國爲氏乎漢魏以來與此道異
遷漢人但知漢事而已

二世皇帝始皇第十八子也元年詔議增始皇寢廟犧牲

及山川百祀之禮羣臣皆頓首言曰古者天子七廟諸侯
五大夫三雖萬世不軼毀今始皇爲極廟四海之內皆獻
貢職增犧牲禮咸備無以加先王廟或在西雍或在咸
陽天子儀當親奉酌祠始皇廟自襄公已下軼毀所置
凡七廟群臣以禮進祠宜尊始皇廟爲帝者祖廟時趙
高爲郎中令獨用事二世與高謀曰朕年少初即位黔
首未附先帝巡行郡縣以示疆威服海內今晏然不巡
行即見弱毋以臣畜天下春遂東行郡縣李斯從到碣
石並海南至會稽而盡刻始皇所立列石以章先帝成
功盛德遂至遼東而還二世陰與趙高謀曰大臣不服
官吏尚彊及諸公子必與我爭爲之柰何高曰臣固願
言而未敢也先帝之大臣皆天下累世名貴人也積功
勞世以相傳久矣今高素小賤陛下幸擢舉令在上位
管中事大臣鞅鞅特以貌從臣其心實不服今上出宜
因此時案郡縣守尉有罪者誅之上以振威天下下以
去上生平所不可者願陛下無疑然後收舉餘民賤者
貴之貧者富之遠者近之則上下集而國安矣二世曰
善乃行誅大臣及諸公子以罪過遲逮少近官三郎無

得立者而六公子戮死於社公子將閭昆弟三人囚於
內宮二世使使令將閭曰公子不臣罪當死將閭曰闕
廷之禮吾未嘗敢不從賓贊也廊廟之位吾未嘗敢失
節也受命應對吾未嘗改失辭也何謂不臣願聞罪而
死使者曰臣不得與謀奉書從事將閭乃仰天大呼者
三曰天乎吾無罪昆弟皆拔劍自殺宗室振怒四月二
世還至咸陽曰先帝為咸陽朝廷小故營阿房宮為臺
堂未就而崩今釋弗就是章先帝舉事過也復作阿房
宮徵材士五萬人為屯屯咸陽令教射狗馬禽獸當食

三百三十三
小九

通志上秦紀卷第四

三十八

者多度不足下調郡縣轉輸菽粟芻藁皆令自齎糧食
咸陽三百里內不得食其穀用法益刻深七月戌卒陳
勝等反故荆地為張楚勝自立為楚王居陳遣諸將徇
地山東郡縣年少苦秦吏皆殺其守尉令丞反以應之
相立為侯王合從西鄉名為伐秦不可勝數謁者使東
方來謂者秦官掌
賓贊受事以反者聞二世怒下吏後使者至上

問對曰群盜郡守尉以逐捕今盡得不足憂上悅八月武
臣至邯鄲自立為趙王魏咎為魏王田儵為齊王九月
劉季起沛為沛公項梁舉兵會稽二年冬陳涉所遣周

章等將西至戲水兵數十萬二世大驚與群臣謀少府
章邯曰盜已至衆彊今發近縣不及矣酈山徒多請赦
而授之兵以擊之二世乃大赦天下使章邯將兵破周
章軍殺章于曹陽二世益遣長史司馬欣董翳佐章邯
擊盜殺陳勝城父破項梁定陶滅魏咎臨濟楚地之盜
名將已死章邯乃北渡河擊趙王歇等於鉅鹿趙高說
二世曰先帝臨制天下久故群臣不敢爲非進邪說今
陛下富於春秋初即位柰何與公卿廷決事事即有誤
示群臣短也於是二世常居禁中與高決事公卿希得

朝見右丞相去疾左丞相斯將軍馮劫進諫曰關東群
盜並起秦兵誅擊所殺亡甚衆然猶不止盜多皆以戍
漕轉作事苦賦稅大也請且止阿房作者減省四邊戍
轉二世曰先帝起諸侯兼天下天下已定外攘四夷以
安邊境作宮室以章得意而君觀先帝功業有緒今朕
即位二年之間群盜並起君不能禁又欲罷先帝之所
爲何以在位下去疾斯劫吏案責他罪去疾劫曰將相
不辱自殺斯卒囚就五刑三年章邯等圍鉅鹿楚上將
軍項羽救之冬趙高爲丞相竟案李斯殺之夏章邯等

戰數却二世使人責邯邯恐使長史欣請事趙高弗見
又弗信欣恐亡去見邯曰趙高用事於中將軍有功亦
誅無功亦誅項羽急擊秦軍虜王離邯等遂以兵降八
月趙高欲爲亂恐群臣不聽乃先設驗持鹿獻於二世
曰馬也二世笑曰丞相誤邪謂鹿爲馬問左右左右或
默或言馬以阿順高或言鹿此者高因陰中以法群臣皆
畏高枉矢西行趙高前數言關東盜無能爲也及是燕
趙齊楚韓魏皆立爲王自關以東大抵畔秦吏應諸侯
諸侯咸率其衆西嚮沛公沛數萬人已屠武關使人私

大三十六
小三十一

通二心秦紀卷第四

四一

於高高恐二世誅已乃謝病不朝二世夢白虎齧其左
驂馬殺之心不樂卜曰涇水爲祟二世乃齋於望夷宮

張晏曰望夷宮在長陵西北長平觀道東故亭處是也臨涇水作之以望北夷欲祠涇沈四白

馬使使責高以盜賊事高懼乃陰與其壻咸陽令閻樂
其弟郎中趙成謀廢二世更立公子嬰乃令樂將吏卒至
望夷宮殿明縛衛令斬之成與樂俱入射上幄坐幃二
世怒召左右左右皆惶擾不聞旁有宦者一人侍不敢
去二世入內謂曰公何不早告我乃至於此宦者曰臣
不敢言故得全使臣早言已誅安得至今樂即前數

二世曰足下驕恣誅死無地天下共畔足下足下其自
為計二世曰丞相可得見否樂曰不可二世曰吾願得
一郡為王弗許又曰願為萬戶侯弗許又曰願與妻子
為黔首比諸公子樂曰臣受命丞相為天下誅足下足
下雖多言不敢報毫其兵進二世自殺二世在位三年
年二十三趙高立子嬰以黔首葬二世杜南宜春苑中
秦王子嬰者始皇之孫公子扶蘇之子也扶蘇嬰父子
皆有賢德百姓愛之二世三年七月趙高既殺二世懼
禍及遂立子嬰以從人望高乃與大臣公子告之曰

史記

通志秦紀卷第四

四十一

秦故王國始皇君天下嘉稱帝今六國復自立秦地益
小乃以空名為帝不可宜為王如故便乃立子嬰為秦
王令子嬰齋當廟見受王璽齋五日子嬰與其二子謀
曰高殺二世恐群臣誅之今佯以義立我我聞高與楚
約滅秦宗室而王關中今使我齋見廟此欲廟中圖我
我稱病不行丞相必來來則殺之高果自往子嬰遂刺
殺高於齋宮三族高家以徇咸陽子嬰為秦王四十六
日楚將沛公破秦軍入武關遂立子嬰為秦王霸水一也在長
安東三四里古
霸水秦穆
更名霸水使人約降子嬰子嬰即係頸以組白馬素

車奉天子璽符降軹道旁

軹亭名在長安東十三里

沛公遂入咸陽

封宮室府庫還軍霸上居月餘諸侯兵至項籍為從長

殺子嬰及秦諸公子宗族遂屠咸陽燒其宮室三月火

不戒虜其子女收其貨寶諸侯共分之滅秦之後分其

地為三雍王塞王翟王號三秦項羽為西楚霸王主命

分天下王諸侯後五年天下定於漢

臣謹按通歷曰趙高既殺二世乃引璽自佩之百官

莫從將上殿殿欲壞者三趙高知天命不與群臣不

義而乃立子嬰

卷之十一

通志 秦紀卷之十一

十一

右秦之世起襄公元年

二世三年甲午凡

二十七世三十三君五百五

十一年而立史記秦

襄公至二世六百一十年

秦紀第四

通志四

